

WANTOK

NIUSPEPA BILONG YUMI OL PAPUA NIUGINI STRETI 30 YIA NAU

36 pes

Namba 1,364

Wik i ştat long Fonde Ogas 17, 2000

70t

**Sir Mekere givim
nem nogut
long ol pipel
pes 2**

**Ol ripot bilong
palamen
pes 3**

**Hagen So
spesel
11 pes**

**Gavana glasim
Wewak haus sik
pes 5**

**2000
NATIONAL CENSUS
Lukim ol teksave
bilong senses insait**

Ol Katolik meri i egensim lo bilong oraitim pasin pamuk

OL Katolik meri i egensim tru toktok bilong palamen long kamapim lo bilong oraitim pasin pamuk insait long kantri.

Insait long wanpela petisen ol i givim long Minista bilong Hom Afeas na Yut Andrew Kumbakor i gat 7-pela strongpela toktok ol meri i autim;

- Lo i oraitim pasin pamuk bai i no inap long stapim sik AIDS long PNG bikos dispela sik i kamap pinis long kantri.

- PNG em i Kristen kantri na watpo bai yumu kamapim kain lo olsem.

- Ol meri long PNG i no enimol, ol i mama bilong ol lida na ol pipel bilong kantri, watpo bai yumu semim ol long kamapim kain lo olsem.

- Olgeta lotu insait long kantri i mas mekim awenes o tok sul i go aut long olgeta pipel long lukaut long kain kai hevi bilong sik AIDS. Wanwan lotu i mas gat program bilong em.

- Ol meri i singaut long olgeta Kristen lida bilong gavman na ol kampani na komynuniti long luksave olsem sik AIDS i stap pinis na kamapim lo bilong oraitim pasin pamuk bai i no inap long stapim dispela sik. Awenes na gutpela skul em i wanpela rot bilong helpim ol pipel long abrusim dispela sik.

- Ol meri i askim gavman long lukluk nau long sapotim ol lotu long program bilong ol na givim mani na ol narapela helpim long mekim dispela wok.

- Ol Katolik meri i bung wantaim ol

Engliken, Yunaitet, Luteran, Baptis, Selvesen Ami na ol Pentekostal na tok: Nogat long kamapim lo bilong oraitim pasin pamuk long Papua Niugini.

Pawa bilong prea em bikpela samting na ol meri i singaut long olgeta pipel bilong kantri long prea long stapim ol lida i pasim kain lo bilong oraitim pasin pamuk.


Presiden bilong Katolik meri long Asdaiosis bilong Mosbi, Misis Francisca Igo i givim dispela petisen pas long Minista Kumbakor.

Mista Kumbakor i bekim toktok bilong Misis Igo na i tok em yet i egensim dispela tingting bilong kamapim lo bilong oraitim pasin pamuk. Em i tok PNG i Kristen kantri na dispela lo bai i no inap long stapim sik nogut long kamap insait long kantri.

Dispela bung i kamap long Tunde dispela wik we moa long 300 Katolik meri lokng Mosbi i bin makim spesel de bilong ol long Ogas 15 wataim bikpela misa long Sen Mary haus lotu. Ol meri long Engliken, Yunaitet sios na Luteran tu i bin stap insait long dispela bikpela de.

Bihain long lotu, i bin gat ol drama na singsing na ol i bung wantaim na kaikai.

Presiden Misis Francis Igo i tok em i amamas long lukim planti mama na ol wokmeri tu i kamap long amamasim dispela bikpela bung. Dispela de tu i bikpela de bilong Katolik Sios bikos em i makim de Maria i go antap long heven.



• Ol meri bilong narapela sios tu i bin kam bung wantaim ol Katolik mama (Ilephan) Victoria Gaigo bilong Engliken Sios, Misis Sengero bilong Luteran Sios na Leontine Tamate bilong Katolik Sios. Lukim moa ripot long pes 3.

BEN TAUMAI i raitim

MADANG Gavana, Jim Kas i tokaut long namba wan taim bihain long em long gim birua bilong ka bilong em long las mun olsem, em i no inap risain.

Mista Kas i tokaut long dispela long redio Madang long las wiken bihain long sampela memba bilong asembli bilong em i givim em notis pepa long Julai 5, long holim vot i nogat bilip long askim Mista Kas long risain.

Dispela petisen i gat han mak bilong Presiden bilong Karkar, Daniel Amai, Presiden bilong Ambenob, Jack Nagg, Presiden bilong Astrolabibe, Gary Kulonga,

Madang Gavana Jim Kas i no inap risain

Presiden bilong Almami, Cyriulus Lawman, Presiden bilong Transgogol, Presiden bilong Awar, Mawson Mataur na Presiden bilong Arabaka, Joe Maira. Ol i givim dispela petisen bilong ol i go long Asembli Klak, Jerry Manyir, taim Memba bilong Raikos, Stahl Musa na ol wokmanmeri bilong gavana i lukim.

Em i tok, em bai skelim ol toktok insait long dispela petisen na kisim stia tok i kam long ol saveman o meri bilong lo long dispela petisen bipo long em i ken bihainim.

Mista Kas i tok, em i no mekim wanpela bikpela asua, long wok

bilong em, na olsem i mas risain. Em i tok ol asua em i bin mekim pinis i stap long han bilong sampela gavman atoriti na em i no lukim wanpela as bilong wanem em i mas risain.

Em i tok ol lain i bin sainim dispela petisen i sapos long go lukim em na paitim toktok bai em i ken helpim ol na tokaut klia long ol long wanem rot bilong stretim dispela hevi long pasin Madang, tasol ol i go het na raitim dispela petisen na tu i go na givim ripot long ol nius manmeri.

"Sapos ol i ting olsem i gat wanpela hevi i stap long sampela hap, orait, ol i mas yusim ol rot i stap

insait long gavman long stretim ol dispela hevi," Mista Kas i tok.

Em i tok, Madang gavman em i lukim praim minista pinis na tokaut na Nesenel Gavman i luksave long dispela.

Em i tok bikos Nesenel Gavman i gat bilip long Madang gavman, em i lukim praim minista pinis na tokaut klia long wanem kain rot Madang gavman i bihainim long stretim hevi bilong em.

"Ol dispela presiden husat i stap bihain long lukim mi risain em ol i no save sapotim mi na olsem mi bin rausim ol insait long kabinet bilong mi na nau ol i bekim bek na tromoi

ston long baksait bilong mi. Mi no ting ol i gat visen. Wanem samting ol i laikim em ol gutpela samting ol inap kisim long wok bilong ol," em i tok.

Em i tok wanem samting gavman bilong em i bin mekim long wok bilong deputi gavana na ol Provisnel Eksekutyutiv Kaunsel memba em ol i bin bihainim lo na stretpela pasin.

Mista kas i tok PEC i bin glasim dispela hevi na bihainim lo long stretim dispela hevi long wanem long dispela taim, dispela hevi i bin bikpela tru na gavman i no laik lusim i stap, nogut sampela bikpela hevi moa i kamap na bihain Madang gavman bai lusim bikpela mani long stretim.

Nestlé MILO IKEN WOKIM GUTPELA SAMTING LONG YU

Palamen nius wantaim WENCESLAUS MAGUN

Nesenel Kapitel Distrik Komisen, saspensen bai stap yet

PRAIM Minista Sir Mekere Morauta i tokim Palamen long dispela wik olsem i gat gupela as bilong saspensidim Nesenel Kapitel Distrik Komisen na em i no inap harim krai bilong sampela liklik lain tasol long ilektoret bilong em, (Mosbi Not Wes) long hapim saspensen.

Sir Mekere i tok tu olsem em i luksave long husat ol dispela liklik lain bilong ilektoret bilong em, husat i wok long krai long

hapim saspensen bilong NCDC. Em i tok ol dispela lain i save 'parasait' o kism samting long NCDC bipo long saspensen.

Sir Mekere i tok tu olsem, long taim NCDC i bin stap aninit long lukaut bilong Gavana Philip Taku, ol i no bin givim spes long em yet wantaim memba bilong Mosbi Saut, Ladi Carol Kidu.

Em i tok gavman bilong Mista Taku i bin pilai politik long pasin bilong ronim bisnis long NCDC. Long dis-

pela ol astingting, Sir Mekere i tok, em bai givim taim long minista long glasim gut ripot bilong NCDC.

Sir Mekere i bin tokaut long dispela taim em i bekim sampela askim i kam long memba bilong Mosbi Not Is, na olpela Gavana bilong NCDC, Philip Taku.

Mista Taku i askim Sir Mekere tu long mekim ripot bilong NCDC long Palamen na givim wanpela kopi bilong dispela ripot long em.

Helt Dipatmen karim wok painim long Boram Haus Sik

WOK painim i go insait long sampela toktok i kamap olsem i gat hevi bilong paulim mani bilong Boram Jenerel Haus Sik long Wewak i stat pinis, Minista bilong Helt, Ludger Mond i tokim Palamen long dispela wik.

Mista Mond i tok dipatmen bilong em i bin salim namba tri man husat ol bilip i gat save bilong mekim gupela wok i go

long karim aut gupela wok painim long Boram bihainim ol tok win olsem i gat paul pasin i bin kamap long dispela haus sik. Em i tok dipatmen bilong em bai mekim disisen bihainim long ol kism ripot.

Mista Mond i tokaut long dispela taim em i bekim ol askim memba bilong Maprik, Sir Peter Lus i askim long Palamen.

Kerema nogat gupela haus kalabus

GAVANA bilong Gulf provins, Riddler Kimave, i no bin kism gupela bekim i kam long Minista bilong Koreksenel Sevises na memba bilong Vanimo Green Riva, Micah Wes, long Gavman i gat wanem kain plen long kamapim

wanpela bikipela haus kalabus long Kerema.

Mista Wes i tok tasol em i gat tingting long opim bek haus kalabus long Kerema na tu i tok Dipatmen bilong em i gat K13 milien tasol bilong mekim wok.

Genia bai glasim Mama Lo bilong Fridom bilong raun long laik

MINISTA bilong Jastis, na memba bilong Abau long Sentrel Provins, Kilroy Genia, i tokim Palamen long dispela wik olsem em bai glasim Mama Lo bilong Fridom Ov Muvmen o raun long laik long opim rot bilong Palamen i ken tok orait long kamapim 'Vagrancy Act'.

'Vagrancy Act' em wanpela tingting gavman i bin gat tingting long kamapim long sekim ol lain i stap long ol taun na siti, tasol i no bin kamapim yet long wanem i bin gat sampela hevi long sait bilong Mama Lo bilong kantri we i no inap larim dispela lo i kamap.

Tasol Mista Genia i tokim Palamen olsem dipatmen bilong em i bin glasim pinis dispela Mama Lo na ol i stretim pinis ol hap we i bin pasim rot bilong kamapim 'Vagrancy Act'.

Mista Genia i tok, long lukim dispela Act i kamap olsem lo, ol memba bilong Palamen i mas bungim wanpela tingting wantaim na vot long kamapim dispela ekt.

Em i tok sampela politisen i save kism vot bilong ol long ol kam lain o skwata setelmen lain long ol taun na siti long kantri, na long kamapim dispela ekt em i pret sampela politisen bai i no inap sapotim.

Mista Genia i tok tu olsem em bai kirapim bek gen senses buk bilong ol ples na setelmen long ol eria insait long taun na siti insait long kantri.


Em i tok tu olsem dipatmen bilong em bai wok bung wantaim wanpela palimen komiti bilong Setelmen na ol Taun na Siti, we Ledi Kidu i go pas long en.

Mista Genia i tok tu olsem em bai kamapim tu wanpela polisi o lo bilong sindaunim ol setelmen lain long graun gavman i makim bilong ol long sindaun long en.

Em i tok Gavman i mas yusim liklik mani nau long stretim dispela hevi kwik bipo long Gavman i kam bihainim bai yusim bikipela mani tru long stretim dispela hevi.

Long toktok bilong baim graun, Mista Genia i tok em bai kamapim wanpela komiti husat bai wok bung wantaim Dipatmen bilong Lands na Plis Dipatmen long glasim dispela hevi.

Mista Genia i tokaut long ol dispela samting taim em i bekim sampela askim bilong memba bilong Mosbi Saut na Siaman bilong palimenter komiti bilong Setelmen na ol Taun na Siti long PNG, Ledi Carol Kidu.



GAVMAN i bin makim pei bilong olgeta senses wokmanmeri na ol i no inap long kism moa mani

Senses Direkta Mista John Kalamoroh i mekim dispela toktok long Pot Mosbi long dispela wik bikos planti bilong ol senses wokmanmeri i no hamamas long pei bilong ol

Ol i ting olsem ol bai kism tupela pei wanpela pei bilong taim bilong kauntim ol pipel long Julai 9 i go inap long Julai 15 na namba 2 pei bilong taim ol i wok long mop-ap opareisen long kauntim ol manmeri pikinini ol i no bin kauntim long Julai 9 i go inap long Julai 15

Mista Kalamoroh i tok olsem Gavman i bin makim wanpela pei tasol long olgeta wok bilong 2000 Nesenel Populeisen Senses

"I nogat tupela pei." em i tok long senses hetkwota bilong em long Wards Strip insait long Waigan

"Sapos yumi i no mekim gut wok bilong yumi na yumi i no kauntim gut olgeta pipel yumi mas i go bek na pinisim gut wok bilong yumi long mop-ap opareisen long wanpela pei tasol."

Mista Kalamoroh i tok olsem olgeta senses wokmanmeri i kism wanpela pei tasol taim ol pinisim olgeta wok bilong ol

Dispela em i olgeta pei Gavman i bin makim long wok bilong senses

1. K400 em i pei bilong ol distrik kodineita long ol ruel eria na ol taun supavaisa long ol bikipela taun. Long 1990 senses. pei bilong ol dispela lain i bin stap long K300.

2. K300 em i pei bilong ol iokol gavman kodineita long ol ruel eria na ol taun supavaisa long ol liklik taun. Ol i bin kism seim pei long 1990 senses.

3. K250 em i pei bilong ol tim supavaisa long ol ruel eria na ol taun. Long 1990 senses. Gavman i bin peim ol K200.

4. K200 em i pei bilong olgeta intavua long ol ruel eria na ol taun. Long 1990 senses. Gavman i bin peim ol K150. Ol intavua em i ol senses wokmanmeri husat i go long ol wanwan haus long kauntim ol pipel

5. K30 em i poket mani Gavman i bin givim olgeta senses wokmanmeri taim ol i go skul long wok bilong senses. Long 1990 senses. Gavman i bin givim K20 tasol olsem poket mani bilong ol long taim bilong training

Mista Kalamoroh i tok olsem senses i no wok bilong mekim bikipela mani na ol senses wokmanmeri i noken ting olsem ol bai i kism bikipela pei winim samting Gavman i bin makim pinis

● Gavman bilong Papua Niugini na Gavman bilong Australia i sapotim 2000 Nesenel Senses.

Kumbakor bai senisim lo bilong lotu


BIHAIN long planti toktok i kamap long Muslim Haus Lotu long Hohola, Mosbi, Minista bilong Yut na Home Afeas, na memba bilong Nuku long Sandaun provins, Andrew Kumbakor, i tokim Palamen long dispela wik olsem, em bai senisim Mama Lo bilong kantri we i toktok long Fridom bilong lotu.

Mista Kumbakor i tok i gat liklik asua long Mama Lo bilong kantri we i toktok long Fridom bilong lotu, na em bai senisim.

Em i tokim Palamen olsem taim i no sot long senisim dispela dispela Mama lo na em bai go het long mekim dispela.

Em i tok Dipatmen bilong Yut na Home Afeas nau i glasim ken dispela Mama Lo na ol i gat tingting long senisim dispela Lo na kamapim Lo olsem, 'Fridom bilong Kristen Lotu'.

Mista Kumbakor i tokim Palamen olsem em i save olsem Muslim lotu i save pait kros wantaim ol bilipmanmeri bilong Kristen rilijen na olsem gavman i no inap pasim ai long krai bilong ol Kristen pipel na i




• Andrew Kumbakor no mekim wanpela samting.


Em i tok em i save olsem long dispela taim, Muslim lotu i pait wantaim ol Kristen lain long ol arapela kantri long wol olsem long Indonesia, we i no stap longwe long PNG.

Mista Kumbakor i bin tokaut long dispela taim em i bekim sampela askim i kam long Memba bilong Kandep, Jimson Sauk, long gavman i gat wanem plen long harim krai bilong ol Kristen bilip manmeri long Muslim lotu.





SEPIK NIUS



Wok painimaüt i go insait nau long Wewak haus sik

YAKAM KELO i raitim

WEWAK haus sik i gat wanpela wok painimaüt igo insait long em nau bihainim ol toktok na ripot olsem wok bilong lukautim na ronim haus sik i no bin gutpela.

Helt Dipatmen i bin mekim wok painimaüt insait long Wewak haus sik long dispela yia na pinisim tupela hap wok painimaüt bilong ol pinis. Tasol sait bilong sekim rekot bilong mani na ol wok we mani i go long en i no pinis yet.

Ripot i kam long Helt Dipatmen i tok ol wokman bilong Fainens Opis i go mekim wok painimaüt tasol ol i no mekim gutpela wok tumas. Olsem na Helt Dipatmen bai salim narapela man husat inap mekim gutpela wok insait long fainens ripot bilong Wewak haus sik.

Ombudsmen Komisn tu i sambai tasol long kisim ripot bilong Helt Dipatmen taim ol i pinisim.

Wok painimaüt i pinis long sait bilong ol hevi we i karamapim ol wokmanmeri bilong haus sik, sekim wok bilong Sief Eksekutyiv Opisa (CEO) Dokta Linda Tamsen na edministresen sait bilong haus sik. Tasol ripot insait long sait bilong mani i no yet.

Long mun Februari long dispela yia, Wantok niuspepa i bin ripot olsem Wewak Jenerel haus sik long

1996 i kam inap long 1999 i bin tro-moi mani mak olsem K64,400. Na Seketeri bilong Helt Dipatmen Dokta Puka Temu i bin raitim pas long Ekting siameri bilong Wewak haus sik Bod Laura Martin egensim ol mani we CEO i bin yusim.

Tasol Ekting siameri bilong Bod, Laura Martin i bin bekim toktok long Wantok long mun Februari yet olsem i nogat wanpela hevi long bos bilong Wewak haus sik.

Laura Martin i tok ol dispela toktok i no tru bikos kain toktok olsem i bilong giaman long bagarapim gutpela wok bilong haus sik na tu bagarapim gutpela wok bilong ol haus sik woka.

Laura Martin i tok long dispela taim olsem ol toktok long ripot bilong mani em ol i stretim pinis wantaim Odita bilong Helt Dipatmen long 1998.

Memba bilong Maprik Sir Pita Lus i askim long palamen long dispela wik long wanem kain ripot i kamaut long wok painimaüt long edministresen, ol wokman na fainens bilong Wewak haus sik.

Minista bilong Helt Ludger Mond i tok tupela wok painimaüt i kamap pinis na nau bai ol i salim wanpela man husat i ken mekim gutpela wok long sekim na mekim gut wok painimaüt i go insait long ripot na wok bilong mani long Wewak haus sik.



• Wanpela singsing grup bilong ol lain long Is Sepik provins i singsing pinis na kisim malolo long las yia kalseral so bilong provins.

Akesim laikim ples balus long Maprik

MEMBA bilong Ambunti Drekiakia Judah Akesim i askim Gavman long sanapim wanpela bikpela gutpela ples balus long Maprik long mekim isi long ol Is Sepik pipel husat i stap longwe long Wewak ples balus.

Mista Akesim i tok dispela em wanpela bikpela hevi tru bilong ol pipel bikos olgeta taim ol i save pundaun long Wewak ples balus na bihain kisim pmv ka o moto na go gen long ples bilong ol. Na ol i save lusim bikpela mani tru long dispela hevi bilong trenspot tasol.

Mista Akesim i tok ol pipel bilong em bus long i save bungim bikpela hevi tru long sait bilong trenspot bikos ol i no inap salim ol kopi na kakao bilong ol long kisim mani. Ol fea bilong helikopta na balus i bikpela mani tru na ol pipel i no inap long salim ol dispela samting olsem na ol kakao na kopi i sanap long bus i stap.

Long kisim balus i go long ples tu i bikpela hevi bikos prais bilong balus nau i go antap olgeta. Na ol lain husat i wok long taun i laik go malolo long ples bai lusim bikpela mani tru na taim ol i go kamap long ples, olgeta mani i pinis na ol i go kamap nating.

Mista Akesim i mekim dispela toktok long inap sotim planti arapela kos we ol pipel i save tromoi long sait bilong senisim trenspot long rot i go long asples bilong ol.

Em i askim Gavman long lukim dispela hevi na mekim wanpela gutpela polisi we inap long sevim ol pipel bilong em long Ambunti Drekiakia na tu inap helpim ol lain long bus bilong Is Sepik na olsem tu long Aitape long Wes Sepik provins.

Mista Akesim i mekim dispela toktok long sapotim nupela polisi o senis Minista bilong Trenspot Bart Philemon i laik kamapim long wok bilong Sivel Eviesen indastri we i karamapim ol ples balus na ron bilong balus insait long kantri.

Sak kaikai man long Ali ailan

ADAM ELLIOTT i raitim

SAK i bin kaikai wanpela man bilong Ali ailan taim em i bin go long rif long las wik Sarere long moning taim.

Dispela bikman i bin go aninit long solwara long painim pis wantaim spia gan long wanpela biknem rif namel long Ali na Tumleo ailan. Ali ailan ino longwe tumas long Aitape.

Jacob Bagare i tok em wantaim sampela man i bin painim pis long dispela hap sampela taim liklik taim em i lukim sak i kam long em.

"Dispela birua i bin kamap long Sarere moning olsem 11 kilok. Mipela bin go daiv long wanpela rif ausait long Ali na Tumleo."

"Mipela i daiv i go, mi bin sutim wanpela makerel em i ron i go na spia i kamaut. Mi no bin kisim, mi pulim spia i kam bek, mi stretim bai mi sut gen." Mista Bagare i tok.

Mista Bagare i tok em i bin laik go bek antap long kisim spia gan long sutim dispela pis taim sak i kisim em.

Mi stap antap nau na sak i bihainim mi i kam antap. Sak em i klostu samting olsem tu mita na i

kam long lep lek bilong mi, mi lukim olsem na yusim tasol as bilong spia gan long patim sak. em i tok.


Sak i go bek long beksait bilong mi nami laik tanim tasol mi leit. Taim mi tanim em i kisim han bilong mi pinis. Taim mi pilim em i kisim han bilong mi nau na mi singaut long ol arapela tupela bois long bringim dingi i kam na helpim mi. Em kisim wanpela bait tasol (kaikai) na go olgeta na i no kam bek, em i tok.

Sak i kaikai Mista Bagare long aninit long lep han bilong em we i bikpela bagarap tru long han bilong em.

Ol lain i bin kam helpim em i kisim em long dingi na hariap tru ron i go long Raihu haus sik we em i kisim marasin hariap.

Mista Bagare i tok em i save lukim sak i kaikai ol pis we ol i sutim tasol dispela em namba wan taim sak i kisim em. Dispela kain sak tu i no isi long luksave hariap.

Dispela em namba wan taim sak i kaikai man insait long Aitape eria. Ol pipel long hap i tok dispela em namba wan taim ol i harim kain stori olsem sak i kaikai man bikos ol i no save harim sak i kaikai man long hap bipo.



• Gavana bilong Is Sepik provins Arthur Somare i toktok long ol senses opisa long taim bilong bringim senses i go long Is Sepik.

WIN! WIN! WIN!

TOYOTA HILUX 4WD TO BE WON!

AND 25 PEOPLE TO WIN K1,000 EACH


DRAWN ON 15th SEPTEMBER 2000

SEND IN ANY 3 EMPTY WRAPPERS OF HI-WAY HARDMAN OR HI-WAY BEEF IN AN ENVELOPE WITH YOUR NAME AND ADDRESS TO: EMTV P.O. BOX 443 BOROKO, NCD.






Paradise TOYOTA



SAUTEN



RIJON



Kilakila Sekonderi gat nupela laibreri

HELEN REI i raitim

KILAKILA Sekonderi skul insait long Nesenel Kapitel Distrik long las wik i bin opim nupela laibreri bilong em.

Em bin kostim K200,000 long wokim na mani i bin kam long gavman bilong Japan aninit long grasrut projek program.

Skul i givim nem olsem Sir Buri Kidu Laibreri long luksave long iet Sir Buri husat i bin wanpela olpela sumatin bilong dispela skul.

Laibreri ya bai helpim tru skul long skruim ol sekonderi rifom.

Long ol gavman hai skul insait long siti. Kilakila em i bin kamap pastaim. Ol bin kirapim skul long 1961 Long las yia, em i kamap olsem sekonderi skul we ol namba wan Gret 12 bai greduet long pinis bilong dispela yia.

Taim em i opim laibreri long las Fraide. Ambasada bilong Japan Tatsuo Tanaka i tok skul i gat gutpela futja na kantri bilong em bai givim sampela buk long en.

Ledi Carol Kidu husat i bin wanpela tisa long skul 26 kris-mas i go pinis i tok skul i bin mekim bikpela wok go het na em i strongim ol sumatin long yusim gut na lukautim gut laibreri bikos em i bikpela samting long skruim ol literesi skil.

Ledi Kidu i bin tok man bilong em i bin laikim tumas ol buk na em bin save rit long ol pikinini bilong em husat i bin skul tu long Kilakila Hai.

Em bin givim K2,000 na planti buk long sapatim wok bilong laibreri na skul.

Hetmasta Steven Rowley taim em i luksave long bikpela helpim bilong Japan i bin tok laibreri i makim hanmak bilong Japan na long ol yia i kam, em bai stap



• Embasada bilong Japan i kam long PNG, Tatsuo Tanaka na Lady Tanaka i sanap long fran bilong dispela nupela laibreri gavman bilong tupela i sanapim. Foto: HELEN REI.

olsem mak bilong prensip long bungim skul wantaim Japan oltaim.

Em bin tok skul i laki bikos olgeta taim wanpela sumatin i wokabaut i go long Sir Buri Kidu laibreri em bai tingim wanpela bikman bilong kantri husat i bin sanap strong long jastis, luksave long wan wan man, pasin bilong

tok tru na rispek.

Ol arapela lain husat i bin donetim ol buk long nupela laibreri em long David Conn husat i memba bilong skul gavaning bod na Boroko Roteri Klub memba, Ambasada bilong Amerika na siaman bilong Papindo.

Las pe long dispela mun bai stiaim ol Sauten rijen tisa

OL TISA long Sauten rijen i wok i stap na wetim laspela pei long dispela mun long lukim sapos ol bai kisim sampela gutpela samting bipo ol i tingting long wanem samting ol i ken emkim.

Ol tisa long Not Flai distrik long Westen provins i no wanbel long dispela 5 pesen pe i go antap long Konsuma Prais Indeks (na nesenel gavman i bin tokaut long en.

"Mipela i laikim pe go antap long 60.52 mak long kamap yet. Dispela 15 pesen CPI pe i go antap em ol bai peim insait long tripela yia na em i no hap bilong 60.52 pesen we mipela i laikim long skelim wok bilong mipela.

"I moabeta long gavman i painim

narapela rot long stretim hevi bilong mipela," ol tisa i tok.

Ol i tok ol bai holim ol bung we i sut long wari bilong ol inap ol edukesen atoriti na gavman i wokim samting long inapim 60.52 pei i go antap we ol tisa i singaut long en.

"Mipela i laikim 60,52 kliakat pe i go antap long pe paket bilong mipela bipo long Septemba 8. Sapos nogat bai mipela i risain long wok na go long ples," Ol bin tok.

Ol tisa insait long Sentrel provins i wetim pei bilong Ogas 25 bipo ol i wokim samting. Wankain tu long ol tisa insait long Milen Be provins. Sapos ol i no lukim wanpela gutpela samting, ol bai wokim samting.

YWCA skruim taim adalt literesi resis

YANG Wimen Kristen Asosiesen (YWCA) i surukim literesi kompetisen o resis long rait i go long Ogas 23. bikos ol no kisim planti pas long ol manmeri i go insait long dispela resis.

Pastaim detlain bilong resis i bin bilong Ogas 18.

Ol ogenaisa long YWCA i tok ol i kisim tasol 15-pela pas long ol lain husat i go insait long resis na dispela i no inap. Long las yia, ol bin kisim klostu 50 pas long resis long en.

Ol ogenaisa i wari bikos stat yet long taim resis i stat long 1997, planti lain i save go insait tasol long las yia mak i go daun long 48. Na long dispela yia, mak i pondaun i go moa.

Long 1997, 20 pipel husat i bin go long fomol skul i go insait long resis tasol ol bin rausim ol. Long 1998, 247 i bin go insait long resi. Planti i kam long Morobe na Isten Hailans provins.

Ol wina bilong ol kompetisen long ol yia i go pinis i bilong ol adalt literesi skul insait long Isten Hailans.

Ol ogenaisa i bin lukluk long kisim moa long 300 kompetisen pas tasol ol no amams long lukim olsem nogat manmeri tumas i go insait. Ol invitesen i bin go long ol lain husat i save go aps long ol literesi skul na bihainim Nesenel Rises Institut woksop long stat bilong dispela yia, ol bin salim ol invitesen long ol kontak we ol bin mekim long woksop. Tasol nogat gutpela bekim i kamap.

Het tok bilong resis long dispela yia em i wankain long las yia. Em i sut long helt na em "How Literacy has improved my family's health. Het tok bilong narapela tupela yia i bin sut long edukesen. YWCA i tok planti i painim hat liklik bikos ol no bin kisim fomol skul na resis we i sut long helt i hat liklik long ol.


Ol i ken ratiim ol resis stori long Tok Pisin, Tok Inglis na Tok Ples. Dispela long Tok Ples em ol mas taniim i go long Inglis na Pisin.

YWCA i gat ol literesi skul senta long ol rurel na setelmen eria long Morobe, Isten Hailans, Sentrel, Nesenel Kapitel, Tabubil, Simbu, Madang na Hagen.

YWCA i wanpela long ol NGO grup husat i luksave olsem literesi o pasin bilong rit na rait em i bikpela samting long developmen bilong man.

As long YWCA i strong long kari-maut ol literesi program em long :

- Kamapim gutpela luksave long ol meri;
- Skruim ol meri long go insait long wok bilong sosel na ikonmik sait;
- Strongim ol meri long kamapim ol wok we ol i ken pulim mani long en na helpim ol yet na famili;
- Skruim sekyuriti bilong ol meri;
- Strongim ol meri long sait bilong lidasip;
- Skruim ol komyuniti skil na sapatim ol meri long wok bilong kamapim kaikai na lukautim ol pikinini.



Roots Rice 1 kg	K1.37
Cold Power 200gr	K1.33
Paradise No.1 Biscuits 100gr	K0.44
Zenag Kaikai 900gr	K4.60
Ilimo Eggs 60gr Doz	K3.50
Saveloys per kg	K3.95

Maggi Noodles 85 gr	K .50
Blue Bird Sardines 423gr	K1.95
Sunshine Milk 1litre	K0.95



EXTENDED TRADING HOURS
 Monday to Wednesday - 8.00am to 7.30pm
 Thursday / Friday - 8.00am to 8.00pm
 Saturday / Sunday - 8.00am to 7.00pm

Planti moa kaikai prais i go daun long en!
 Ph: 325 7566, 325 0863 Fax: 325 7096

 **HAILANS NIUS**

Hom bru bia i kamapim bikpela hevi long Banz

TIMOTHY AIMS i raitim

PASIN bilong wokim hom bru o stim bia insait long Banz, Westen Hailans provins i kamapim bikpela wari long hevi bilong lo na oda insait long distrik.

Distrik Edministreta bilong Banz Nallan Kawa i tok dispela hom bru o stim bia i kamap bikpela nau na plan-ti yangpela man na ol bikman tu wantaim sampela meri i wok long dringim dispela bia insait long distrik.

Em i tok ol hevi na trabel olsem bagarapim ol meri, stil pasin, pait na arapela trabel moa i wok long kamap bikos long dispela pasin bilong dring spak long dispela hom bru bia.

Mista Kawa tok tu olsem dispela kain spak pasin na ol trabel olsem i pretim tu ol gutpela manmeri husat i save laik go long lotu long apinun

bikos ol i pret ol spak lain bai paitim ol o mekim trabel long ol.

Em i tok olsem bikos long dispela hevi, komiti bilong em i tingting long kamapim sampela strongpela mekimsave long ol lain i save dringim dispela hom bru bia.

Narapela hevi tu em long stapim wok bilong Banz taun kaunsil bikos ol i no mekim wanpela wok long hevi bilong pilai kas na laki nabaut, kukim na salim ol kaikai long maket na tu salim ol arapela stua samting long maket na tu long rausim olgeta lain husat i sindaun long graun bilong gavman.

Dispela hevi bilong hom bru bia i mekim wanpela man i bin holim na bagarapim wanpela meri long tripela wik i go pinis.

Tupela ka bilong gavman tu i bin lus long tasol plis i kisim bek bihain long ol i mekim wok painim.

Helpim Kumin kisim marasin long Australia

WANPELA Sauten hailans man kris-mas bilong em i olsem 38 i askim ol manmeri long helpim em bai em i go long Australia long haus sik bikos em i gat hevi long lewa bilong em.

Peter Kumin bilong ples Mumbi klostu long Mendi taun i askim long manmeri long helpim em wantaim mani o wanem kain helpim ol i ken givim bai em i ken go kisim marasin long Australia haus sik.

Haus sik ripot bilong Mista Kumin long Goroka haus sik i soim olsem em i gat sik Peptic Ulcer Disease (Peptik Alsa).

Medikel ripot bilong em i tok olsem em i mas go long Australia long kisim Gastroscopy na moa menesmen helpim bilong haus sik long Taunsvil we kos i olsem K20,000. Totol kos ya i bungim tu wantaim fea bilong balus,

haus sik fi na ol arapela fi we inap kamap.

Mista Kumin i marit na i gat 6-pela mun pikinini boi.

Em i bin wok wantaim Murubu Sekyuriti Sevis long Mendi taim em i gat dispela sik long lewa long las ya.

Long dispela taim Mista Kumin i bin sik na go long haus sik na stap long haus sik longpela taim. Dispela hevi bilong Mista Kumin bai igo bikpela moa sapos em i no kisim helpim o marasin hariap.

Husat lain o bisnis i laik helpim em, ol i ken salim helpim bilong ol PNGBC beng akaun namba 315-0244499 long Mendi.

Mista Kumin i tok em bai amamas tru long wanem helpim ol manmeri o grup i givim long em.



Tru pikinini man bilong ples....

• Ol pipel bilong Kompiam Ambum i karim lida bilong ol John Pundari long taim em wantaim Praim Minista na ol narapela bikman i go lukluk raun long hap las mun.

Goroka So komiti singaut long ol sponsa

PRESIDEN bilong Goroka So Komiti Walter Nombe i singaut long ol bisnis haus na ol bisnis lain long helpim wantaim mani long kamapim Goroka So long dispela ya. Mista Nombe i tok komiti bilong em i mekim kamap ol gutpela plen bilong kamapim gutpela so long Septemba dispela ya tasol em i mas gat inap mani long lukautim ol wanwan eria bilong kamapim gutpela so.

Mista Nombe i tok ol bisnis na ol bisnisman i save gat bikpela sans long wok na bisnis bilong ol long taim bilong so taim planti

manmeri tru i save kamap long wiken long lukim so.


Em i tokaut olsem Isten Hailans provinsal gavman i givim pinis K50,000 bilong kamapim so. Mista Nombe i tok provinsal gavman i gat bilip long ol gutpela samting bai so i pulim i kamap olsem em i mekim dispela long pulim ol arapela sponsa long sapotim ol kain kain pilai na ol samting inap kamap long taim bilong so.

Mista Nombe i tok em i bilip so bilong dispela ya bai bikpela moa na gutpela tru na bai pulim

planti manmeri moa i kam long lukim.

Presiden i tok komiti bilong em bai lukautim gut wanem kain helpim na sponsa ol bisnis na kampani i givim long sponsarim ol pilai na ol samting long so. Na bai gat gutpela rekt long olgeta dispela helpim na sapot.

Goroka So bai kamap long Septemba 15 i go inap long Septemba 17 na bai bungim wantaim bikpela independens de bilong kantri.



• Peter Kumin, husat i gat hevi long lewa bilong em na laik go kisim marasin long Australia. Bikpela mani tumas long go kisim marasin long Australia.



Sapos yu laik putim advataismen bilong yu long **WANTOK NIUSPEPA**, ringim Phone namba 325 2500 na askim long:

WALTER EDWARD, RUGANESE KINI, MIRIAM WANINARA, HEBORE VANI, MIRI AIORI na JOHN IAGATA..



MADANG NIUS



Wanem kastom i no helpim ol meri mas go, Sai i tok

BETHA SOMARE i raitim

HET bilong Papua Niugini Stadis long Divine Word Yunivesiti (DWU). Anastasia Sai, i tokim ol meri long salensim ol pasin tumbuna o kastom. sapos ol dispela pasin, i no helpim ol o stapim ol long mekim wok long sosaiti.

Em i tokim ol Madang Katolik mama long wanpela kibung bilong ol olsem, ol i mas askim ol askim long ol pasin tambu bilong kastom sapos ol dispela kastom i pasim rot bilong ol meri long go het.

Mis Sai i tok dispela tingting olsem ples bilong ol meri em long baksait, na i no kisim luksave long ol arapela pipel, i mekim ol meri i painim hat.

Em i tokim ol meri long rausim ol tingting nogut bilong ol tumbuna olsem ol meri i deti bikos ol i save kisim sik mun.

Em i tok: "Maski ol meri i yusim planti taim long mekim wok bilong haus, ol i no save lukim olsem em i wok tru."

Mis Sai i tok lukaut tu long ol meri long was long ol arapela pasin we i save daunim nem bilong ol meri olsem "Eking Papua tasol strongpela Morobe" "16 x 4" na "Meri girile ya, pukpuk girile ya."

Kas makim ol nupela siaman gen

BEN TAUMAI i raitim

MADANG Gavana Jim Kas i mekim senis gen long kabinet bilong em na makim presiden bilong Simbai Lokol Gavman Kaunsel, Kingsley Yombiyombi, olsem nupela siaman bilong helt.


Mista Yombiyombi i kisim ples bilong presiden bilong Arabaka Lokol Gavman Kaunsel, Joe Maira. Mista Yombiyombi em i no nupela long kabinet, em i bin stap long kabinet bilong George Wan long Wan/Gubag gavman.

Dispela em i namba tu taim Gavana Kas i mekim senis long kabinet bilong em. Long stat bilong dispela yia, em i bin mekim senis na i tok, em i laikim olgeta presiden i mas kisim sans long kamap siaman na kisim wanem ol wok na pe bilong wok ol siaman i save kisim na tu givim sans long olgeta long kamapim sampela gutpela samting long provins.

Gavana Kas i givim strongpela tok lukaut i go long ol pablik sevans olsem em bai rausim ol lain i no harim tok bilong em na gavman bilong em sapos ol i laik pilai politik long baksait bilong em.

Em i tok, em i nogat taim bilong ol kain pablik sevans olsem.

Gavana Kas i tok, sapos ol i gat tingting long politiks orait ol i mas lusim wok bilong gavman na i go pilai politik ausait o wet inap long narapela ileksen na traim resis.



• Meri bilong Kaunsel bilong Mindere ples. Misis Siroi i sindaun arere long haus wantgaim pikinini bilong em na salim tingting long wanem senis bai kamap taim Ramu Projek i stat. Foto: WENCESLAUS MAGUN.

Saina tingting long kamapim sel kokonas fektori long Madang

HILLARY BUNBUN i raitim

AMBESADO bilong Saina long Papua Niugini, Zhao Zhenyu husat i bin go lukluk raun long Madang, i tok Gavman bilong em i gat tingting long kamapim wanpela sel kokonas fektori long Madang.

Mista Zhenyu i tok, Madang em wanpela ol provins long kantri i save planim kokonas, na em i gutpela long kamapim wanpela sel kokonas fektori na yusim ol sel kokonas na salim long mekim mani.

Em i tok dispela fektori i ken tanim ol kokonas sel i go insait long kabon long Madang, karim i go bek long Saina na klinim long spesel kain we long kamap olsem sakol we i no inap bagarapim envairomen.

Mista Zhenyu i tokaut tu olsem long PNG planti ol manmeri long taun i save raun raun nating na i no save mekim wok.

Narapela hevi em i lukim, em long pasin bilong raskol we i bagarapim nem bilong PNG ovasis na i stapim planti ol Saina manmeri long kam long PNG.

Madang komyuniti no amamas long Mildas maket i pas

KINGSTON NAMUN i raitim

OL pipel i stap insait long Madang taun na ol lain i save go salim kaikai long Mildas maket i no amamas long dispela maket i pas.

Madang Mildas maket i pas moa long wan mun pinis bikos sampela lain nogut i bin bagarapim toilet bilong maket.

Anton Yagama, Madng taun menesa, i tok ol i bin pasin Mildas maket bikos ol toilet i blok, ol paip insait long

toilet i bruk na wara i lik.

Em i tok taun kaunsel bai mekim sampela samting long was long dispela toilet bihain long ol i stretim ol samting i bagarap.

Em i tok: "Mipela bai putim lok long ol tep long tep wara bilong stapim wara long ron nating. Mipela bai lokim tu toilet long nait."

Mani bilong stretim Mildas maket i kam long taun kaunsel mentenens baset. Mista Yagama i tok dispela maket bai opi insait long long sampela wik.

Madang helt woka kamapim 2001 helt baset

PIUS IKUMA i raitim

OL Helt opisa bilong Madang provins i kamapim ol baset ples long kisim helpim long provinsel edministresen na nesene! gavman long taun aut helt program stat long Januari 2001.

Mesene Helt Promosel i Waisa Gubag M. M. i tok, ol ples bilong long ples ol ples bilong helt i go

gram eria, jenerel edministresen, taun na ples helt sevises, famili plening, disis kontrol, envairomental helt na ruel wara saplai, helt promosen, medikel saplai, ol wokmanmeri, na sapos sevises.

Em i tok ol plen bilong ol 10 pela bikpela helt program eria em ol bai givim long nesene! helt dipatmen long ol pasin na salim go bek long Madang i ples ol helt ol helt ol helt ol helt ol helt.

PAPUA NEW GUINEA'S SILVER JUBILEE

School Essay Competition



About the Competition

Category 1:	ALL STUDENTS IN GRADE 3 & 4		
Essay Topic:	"Who was the Prime Minister 25 years ago?" Tell us more about him		
Essay Length:	200 Words		
Prizes:	1st prize: K300.00	2nd prize: K100.00	3rd prize: K50.00
Category 2:	Level 1: ALL STUDENTS IN GRADE 5 & 6 Level 2: ALL STUDENTS IN GRADE 7 & 8		
Essay Topic:	"What is Independence and what it means to me?"		
Length of Essay:	500 words minimum		
Prizes:	1st prize: K500.00	2nd prize: K250.00	3rd prize: K125.00
	awards to each level		
Category 3:	Level 1: ALL STUDENTS IN GRADE 9 & 10 Level 2: ALL STUDENTS IN GRADE 11 & 12		
Essay Topic:	"How would you see PNG's Growth in the next ten (10) years?"		
Essay Length:	1000 words minimum		
Prizes:	1st prize: K1000.00	2nd prize: K500.00	3rd prize: K250.00
	awards to each level		

For more information, write to: National Events Secretariat, Morauta Haus, P.O. Box 639 WAIGANI, NCD

For more information, write to: National Events Secretariat, Morauta Haus, P.O. Box 639 WAIGANI, NCD

For more information, write to: National Events Secretariat, Morauta Haus, P.O. Box 639 WAIGANI, NCD

For more information, write to: National Events Secretariat, Morauta Haus, P.O. Box 639 WAIGANI, NCD

Lae Nius

ELC-PNG opim Sevings na Lon Sosaiti

BISOP bilong Evenjelikal Lutheran Sios long Papua Niugini (ELC-PNG) Dokta Wesley Kigasung long Tunde i opim nupela Sevings na Lons Sosaiti ol i kolim "Putim na Kisim (PnK).

PnK em nupela Sosaiti i wok wantaim Lutheran Developmen Sevis (LDS) yangpela didiman rurel ekstensen program na plen bilong ELC-PNG long helpim ol grup long eria we ol yangpela didiman wok manmeri i stap o ol wimen grup na paris husat i interes long dispela program.

Tingting tru bilong dispela projek em long helpim ol yangpela Didiman wok manmeri na tu ol pipel i stap long ples we i nogat gutpela sevis bilong ol komesel benk i kisim ol o long ol benk polisi we i no larim ol long kisim mani long wokim wok bilong ol long bringim gutpela sindaun long ples.

Putim na Kisim i bin stat long 1995 bihain long dispela ol hevi na interes bilong Hanns Seidel Fondasen long statim wok Micro-Finance long Papua Niugini.

Planti woksop awenes i bin kamap long 6-ples we ELC-PNG na ol save-man bilong Credit Union Foundasen long Australia Kredit Yunien Faundesen) na lokol wokman yet i makim long karim aut dispela kempen.

Long dispela ol awenes i lukim planti ol pipel long ples i soim laik tru

long kamap memba long dispela nupela skim moa long 100 pipel long dispela taim yet i bin stat putim mani long sevim.

Long wankain taim tu 21 manmeri husat i bin kisim skul long wok tresera i kisim setifiket bilong ol mekim dispela wok long lukautim mani.

Dokta Kigasung i tokim ol olsem, save em God i givim pinis taim em i mekim dispela graun na nogat man bai tok olsem em i nogat save.

Em tok PNG i mas yusim save bilong ol long mekim wok. Ol man i no yusim save bilong ol em ol les lain husat i save stap raun nambaut na singaut long mani na kaikai.

Em i tok nau yupela i kisim save pinis yupela i ken go het na mekim wok yusim dispela skul yupela i kisim.

Long wankain taim yet Hanns Seidel Foundasen mausman Wolfgang Berger i singaut long gavman long lukluk long ol sevis olsem rot na bris i go long ol rurel pipel long ples.

Em i tok dispela gavman i luk daun tru long dispela ol sevis i go long ol rurel eria we i lukim ol i kisim taim na i stap tasol misen ol i traime olgeta wok bilong ol long lukim ol sevis olsem helt, edukasen na ol arapela sevis long go het maski nogat gavman sevis i go.

Wau yut grup i wokabaut i kam kamap long Mosbi

WAU yut grup i bin kamap long Mosbi long Trinde aste bihain long klostu tupela wik wokabaut katim bus bilong Bulolo, Menyamya, kam daun long Kerema na bihainim haiwe i kam long Sentrel provins long dispela wik.

21 yangpela boi bilong Wau Forestri Kombain Yut i laik senisim olupela haus lotu we ol papamama i bin wokim bipo taim ol i bin go wok wantaim Forestri long bipo. Olsem na dispela haus lotu i olupela pinis na ol yangpela i laik senisim we ol i kamap wantaim ol fan reising wok olsem nau dispela bikpela wokaton i go long Mosbi.

Mausman bilong grup Terry D K Michael i tok olsem ol i plen long kamapim samting olsem K50,000 long wokim nupela haus lotu na tu kisim sampela samting bilong strongim musik

ministri bilong ol insait long felosip program bilong ol.

Michael i tok ol yangpela ya i makim olgeta 10-pela distrik insait long Morobe provins na ol bai lukim wanwan memba bilong Morobe provins long givim ol helpim long dispela projek bilong ol.

Bihain long ol i stap tupela wik samting long Mosbi, ol i plen long wokabaut long Kokoda Treil na go kamap long Oro provins na kisim sip long hap na go long Lae.

Long makim maus bilong grup, Terry Michael tok ol i laik mekim bikpela tok amamas na tenkyu i go long ol lain husat i bin sapatim ol long dispela wokabaut bilong ol. Ol dispela lain em, AGF, Seafood Trading, Nangamanga, Yauka Coffee, Coca Cola, BP PNG, Lae Biscuit, Rothmans

and Palmall, Forestry Station Supavaisa, Wau haus sik, Galp provinsal edministreta na Lutheran Shipping.

Michael i tok dispela wokabaut i bin hat bikos bikpela ren na ol i kisim taim long rot i kam, kaikai i sot tasol ol ples long namel i helpim ol long kaikai, wanpela bilong ol i kisim bagarap long lek bikos em i wel na sap diwai i katim lek na planti lek bilong ol i tait tru long wokabaut. Tasol dispela ol hevi i no stapim ol long tingting bilong ol long mekim kamap dispela wok bilong ol.

Ol i wokabaut long Wau, Bulolo, Aseki, Menyamya, Piwi, Abanga, Iweni, Engwa, Kanambea, Kwatenteng long Galp provins, Pawuia, Mamoru, Kerema taun, Gabadi long Sentrel provins, Laloki na Mosbi siti long Trinde moning long dispela wik.

Wau LLG i kamapim namba 3 kot

ARI GUH DANDEE i raitim

I GAT samting olsem 21 Viles Kot Opisas nau i stap insait long tupela wik skul wok bilong viles kot long helpim na daunim ol hevi long ples.

Dispela skul em Wau Lokol Levul Gavman i kamapim na i skulim ol viles kot opisa bilong Wati viles kot eria insait long Biarue we i stap aninit long Wau lokol levul gavman i gat 3-pela wod eria bilong em.

Dispela nupela Viles Kot eria Wati Viles Kot bai i bringim namba bilong viles kot insait long Wau Lokol Levul Gavman i go antap long 3-pela olgeta na dispela i soim tru mak na sain bilong rifom we i wok long kamap insait long dispela lokol levul gavman.

Tisa bilong ol viles kot opisa Mista

Dick Digori i tokim Wantok olsem, dispela Wati Viles Kot em wanpela nupela viles kot we i gat luksave bilong gavman long bringim lo na oda i go klostu long ol pipel bai ol pipel i ken luksave na pilim tru pawa bilong lo we i ken stretim ol na kilim sampela hevi long ples yet we i gutpela.

Em i amamas long lukim olsem viles kot i kamap pinis insait long Biarue we bai i helpim tru wok bilong lo na oda na dispela i gutpela bikos lo mas stap wantaim ol pipel long stretim ol hariap.

Mista Digori i tok tenkyu tu i go long Wau Lokol Levul Gavman long wok hat tru long kamap dispela namba 3 viles kot bilong em na em askim yet Wau Lokol Levul Gavman long lukluk na kamapim sampela moa long bringim lo i go klostu long ol pipel.



• Ol yut manki bilong Wau Forestri Kombain Yut i kamap long Mosbi bihain long klostu tripela wik wokabaut i kam long pulim mani bilong stretim haus lotu long Wau

K800,000 bilong Bulolo taun klostu go long rong man

KLOSTU K800,000 pemen bilong graun long Bulolo taun i go long han bilong wanpela man we i no papa tru bilong graun.

Ripot long Morobe provinsal gavman i tokaut olsem sampela lain i bungim ol kot pepa bilong ol graun long narapela hap arere na sait sait bilong Bulolo na soim Len Taitel Komisn long tokaut olsem ol i papa long graun bilong Bulolo taun. Tasol dispela pepa i go kamap long han bilong Morobe Provinsal Gavman long baim, wanpela kaunsil presiden bilong Watut i lukim na egensim dispela pemen.

Ripot i tok Kot tru bilong graun long Bulolo istap yet long han bilong kot bikos i bin i gat apil taim Mangi klen long Watut i bin winim Lokol Len Kot olsem ol i papa bilong dispela graun long 1994. Tasol samting olsem 14 arapela grup i bin apil long dispela kot disisen na apil i sanap yet inap tude.

Ripot i soim tu olsem ol kot pepa na toktok bilong graun we dispela lain i yusim long traime kisim pe long en i no wankain long kot pepa tru bilong Bulolo taun.

Taim Gavman i bin diklerim Bulolo taun i kamap olsem Nesenel Lens, wanpela asples tru bilong graun i mas kisim pe long graun. Olsem na kot i bin kamap long 1994 we Mangi klen bilong Watut i winim kot tasol i gat apil olsem na kot i hangamap i stap yet.

Ripot i tok dispela em i wanpela paul pasin tru sampela lain i mekim long traime kisim mani long graun long Bulolo taun na tu soim olsem ol i papa long dispela graun.

Plis fraud skwat i wok long mekim wok painimaut na sekim ol dispela ripot na pepa na traime luksave sapos i gat hait na stil pasin i kamap insait long dispela pasin. Plis skwat i wok long sekim yet na lukluk insait long dispela hevi.

PHONE:
(675) 472-3912

FAX:
(675) 472-3919

IMPACT SIGNAGE PNG

*Any Size,
Any Shape, Any Amount*

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

FOR ALL YOUR PRINTING NEEDS

P.O. Box 3705, Lae, M.P. 411, Papua New Guinea - Email: impact@global.net.pg

Modereta Lowa kamap siaman bilong PNGCC

PAPUA Niugini Kausel Ov Sios i makim het bilong Papua Niugini Yunaited Sios. Modereta Reveren Samson Lowa olsem nupela siaman bilong PNGCC.

Jenerel Seketeri bilong PNGCC, Sophia Gegeyo i tok, bipo long Reveren Lowa i bin kamap Modereta bilong Yunaited Sios, em i bin lukautim Boroko Inglis kongrgesen, nau ol i kolim Reveren Sioni Kami Memorial Sios.

Em i tok Modereta Lowa i kam long Galilo ples insait long Wes Niu Briten Provins. Em i marit long Jessie bilong Kokopo Is Niu Briten, na i gat foapela pikinini.

"Mipela i laik tokaut tu long PNGCC i makim Meja Andrew Kalai olsem Vais Siaman bilong PNGCC. Meja Kala em i Jenerel seketeri bilong Salvesen Ami bilong Papua Niugini," Misis Gegeyo i tok.

Em tok PNGCC i makim Gwen Tulo olsem Seketeri bilong Des bilong ol Meri na Peter Saroya olsem Seketeri bilong Sosel Konsen Des.

Misis Tulo i kam long Petats long Buka, Bogenvil. Em i marit long Philemon Tu na ol i gat 5-pela pikinini.

Mista Saroya i kam long Nimas long Sissano, Aitape, Sandaun Provins. Em i marit long Catherine na i gat 5-pela pikinini tu.

PNG Kaunsel bilong Sios (PNGCC) sapotim olgeta arapela sios

WENCESLAUS MAGUN
i raitim

PAPUA Niugini Kaunsel ov Sios i sapotim ol arapela rilijen long kam autim bilip bilong ol long PNG.

PNGCC Jenerel Seketeri, Sophia Gegeyo, i tok insait long wanpela kibung bilong ol long Ogas 10, 2000 i tok:

- Ol i luksave olsem i gat ol arapela rilijen na i no ol Kristen grup in stap insait long PNG olsem Mama Lo bilong PNG i tok;
- Tasol i gat wari long wanem ol toktok ol dispela ol grup i autim we inap kamapim hevi long komyuniti na sosaiti, na inap bagarapim laip bilong ol pipel;
- Ol Kristen Sios i go het long autim Gutnius bihainim astingting bilong wok misin bilong ol;
- Strongim ol Kristen long noken pret long

- ol dispela rilijen, tasol long go het long bringim ol pipel i go long famili bilong God;
- Olsem ol Kristen, yumi mas go het na grow strong long bilip, pasin na i no bagarapim ol arapela rilijes grup; na
- Luksave olsem ol arapela rilijes grup long kantri i helpim tu long salensim wan wan Kristen bilip manmeri long bilip bilong ol na helpim ol Kristen long bihainim wok Kraisi i mekim bilong kisim bek ol manmeri.

Gavman mas kamapim lo bilong stapim ol sios grup long pait namel long ol yet

GAVMAN i mas kamapim lo bilong stapim ol rilijes grup insait long Papua Niugini long pait namel long ol yet, Jenerel Seketeri bilong Katolik Bisop Konferens bilong Papua Niugini na Solomon Ailans, Lawrence Stephens i tok.

Em i tok Mama Lo bilong PNG i tok orait long ol kain kain rilijes grup i ken kam na wok long PNG sapos ol i no kamapim hevi long ol pipel bilong PNG.

Tasol em i tok, Gavman i mas go het na kamapim lo tu bai ol dispela kain kain rilijes grup i kam wokim wok misin bilong ol, i noken kros pait namel long ol yet.

Mista Stephens i tok long wol tude, i gat pait i kamap namel long ol rilijes grup we i bagarapim gutpela sindaun bilong ol pipel, sosaiti na kantri.

Em i tok sapos PNG i lukluk i go long Indonesia, nau i gat pait namel long ol Muslim na

ol Kristen long Moluccas Ailan. Em i tok long Yugoslavia kain hevi olsem tu i stap na i gat planti ol arapela kantri tu i bungim ol kain hevi olsem. Long dispela as, Mista Stephens i tok, PNG Gavman i mas kamapim lo kwik bilong banisim ol rilijes grup long kros pait namel long ol yet.

Mista Stephens i tok tu olsem, sapos ol Kristen sios i skulim gut ol bilipmanmeri bilong sios bilong ol long bilip na histori

bilong ol sios bilong ol na bilong ol arapela rilijes grup long wol, ating dispela i ken strongim sios bilong ol na ol i no mas guria na seksek long ol arapela rilijen i kam long PNG.

Em i tok sapos ol bilip manmeri i kisim gutpela skul, ol bai wok bung gut wantaim ol arapela rilijes grup long kantri.

Modereta Lowa kamap siaman bilong PNGCC

Nupela sios bilong Kopiam Ambun



• Lida bilong Edvens PNG Pati, John Pundari i go opim nupela haus lotu bilong Sekred Hat peris long Kompiam - Ambun ilektoret we John Pundari yet i kam long en. Foto: Opis bilong praim minista.

Selebresen bilong namba wan Engliken misinari long Dogura

HELEN REI i raitim

LONG olgeta yia long Ogas 10 ol Engliken long Dogura daosis bilong Milen Be provins i save tingim taim ol namba wan Engliken misinari i

bin go long Kaieta klostu long Dogura long 1891. Dispela de em pestode bilong Santu Laurence tu.

Tasol, long dispela yia, ol i givim bikpela taim na tingting long selebresen bilong 45 yia bilong Holi Nem Hai skul aniveseri selebresen.

Toksave i kam long opis bilong daosis long Dogura, i tok i gat wanpela misa, long tingim dispela de, tasol i nogat selebresen long wanem ol i bin givim olgeta taim long selebresen bilong hai skul.

Asbisop bilong Engliken provins bilong PNG, Bisop

James Ayong i tok olgeta yia olgeta Engliken bilip manmeri i save makim na selebretim de ol namba wan misinari bilong sios i bin go sua long Kaieta, tasol bikos long aniveseri bilong Holi Nem Hai skul ol i no bin mekim bikpela selebresen.

Woksop bilong pastorel plen

BRUDA PETER VAN DE WIEL i raitim

TRIPLELA wik olgeta, 21 man na meri pastorel woka i bin bung long Rebiambul, Hagen, long wokim plen bilong bihainim Rinyuel Program bilong Muvmen bilong Beta Wol insait long daosis.

Pastorel tim bilong Hagen yet. bilong Wewak, Daru/Kiunga na bilong Bereina i bin sindaun wantaim tupela tisa bilong Rom, bai program bilong neks tri yia i ken go het.

Long yia 1997, tupela tisa, Pater Juan Bautista Cappellaro na Mis Jill Gibbs i bin bungim ol dispela daosis long Goroka tu; nau mipela bungim long Hagen na luksave long ol bikpela na liklik plen na program i mas kamap long olgeta kain 'level' insait long daosis.

Yumi tok long 5-pela level:

Level wan em olgeta Katolik pipel insait long daosis na peris.

Namba tu em ol spesel grup olsem mama, yut na skul liva.

Namba tri em ol kain sevis Katolik sios i givim, olsem skul bilong katekumen na rilises edukesen, ol litasi na wok marimari.

Namba foa level em bilong ol man na meri i mekim wok insait long sios, olsem ol pris na rilises, ol pastorel woka, katekis na lotu lida; na

Namba faiv level em ol 'straksa' o bun bilong mekim wok sios i go het, olsem komyunikesen na ol kain bung bilong kisim tingting na tok orait bilong ol pipel.

Dispela wok i mas kamap gut stret, bikos nogut sios i lus tingting long sampela man na meri, sios i mas go aut na bungim olgeta lain Katolik, na olgeta kain grup, maski ol i kam lotu o nogat! Jisas yet i bin go pas long painim ol sipsip i lus!

Orait, nau ol pastorel tim bilong dispela foapela daosis i ken go het long program bilong ol long neks tri yia. Nesanel Tim bilong komyuniti Animesen Sevis (KAS) husat i bin ogenaisim dispela woksop, ol tu i sambai long wok wantaim ol pastorel tim.

Bisop Gilles Cote wantaim tripela meri, ol memba bilong pastorel tim i bin makim Daru/Kiunga; Herman Kabai wantaim tripela pater bilong Daosisen Pastorel Tim (DTPA) bilong Wewak i bin kam long Wewak; Pater Joe Bisson wantaim tupela DTPA memba na ol i makim Hagen.

Pater Roger Purcell wantaim wanpela pastorel tim memba i bin kam long Bereina. Bisop Gerard bilong Bereina i bin joinim mipela namel long tripela wik kos. Dispela tripela wik woksop bilong sambai long go het wantaim program long sampela peris long Madang tu.

Woksop i bin pinis long Julai 21, 2000.

Oposisen i no wanbel long K1.5 milien EDF bilong ol memba

YAKAM KELO i raitim

OPOSISEN i no amamas tru long pasin Nesenel Gavman i mekim long K1.5 milien Rurel Developmen Fan (EDF) bilong wanwan memba i go long distrik bilong ol. Dispela mani em bilong ol pipel long distrik na memba bilong ol em siaman bilong Distrik Plening na Baset Praioriti Komiti we i save skelim na brukim dispela mani bihainim ol projek bilong ol, Deputi lida bilong Oposisen Peter Peipul i autim dispela bel hevi.

Mista Peipul i tok ol i luksave olsem Wol Beng i go pas nau long skelim na holim dispela mani na i no Gavman bilong Papua Niugini. Bikos i gat sampela toksave i kamap pinis olsem ol pipel i ken aplai long mani aninit long Rurel Developmen opis long wanem projek ol i laik kamapim insait long distrik na ples bilong ol. Ol i ken pulapim pepa na givim long distrik administreta long oraitim na salim i go long opis bilong Rurel Developmen.

Mista Peipul i tok dispela em K1.5 milien we wanwan memba i save go pas long sindaun wantaim distrik komiti na skelim long ol projek na wok bilong ples.

Em i tok i nogat wanpela rot we dispela mani bai paul bikos lo i tok distrik plening komiti i mas raitim ripot na soim ol projek bilong ol na bihain salim i go long Rurel Developmen opis we mani bai i kam bihainim.

Mista Peipul i lukim olsem Wol Beng i go pas nau long dispela samting na Gavman bilong PNG yet i no mekim wanpela samting long tingting na save bilong em. Olsem na sapos ol distrik i no yusim dispela mani, bai mani ya i go bek long han bilong Wol Beng.

Tasol Mista Peipul i tok i gutpela sapos dispela ya i pinis na mani ya i stap yet, Gavman i mas putim dispela mani i go long wanpela tras akaun. Na taim ol wanwan memba i kamap wantaim ol projek ripot bilong ol, orait ol i ken aplai long kisim dispela mani long distrik bilong ol wanwan.

Mista Peipul i tok sapos Gavman i no mekim olsem, bai nesenel baset bilong ya 2001 bai i gat bikpela hevi tru.

Long arapela nius, lida bilong Oposisen Bill Skate i stap yet long ovasis long kisim gut malolo. Na em bai kam bek long tupela wik bihain.

Mista Peipul i tok Mista Skate i mas kisim gutpela malolo bikos bodi bilong em i bungim sampela hevi long i nogat gutpela malolo taim em i bin Praim Minista bilong kantri na bihain nau kamap olsem lida bilong Oposisen na bodi bilong em tait olgeta. Olsem na em i mas kisim gut malolo pastaim long em i kam bek long wok. Mista Peipul i tok Mista Skate i no kisim marasin o stap long haus sik. Nogat em i stap malolo na kisim gut win inap long em bai kam bek tupela wik bihain.

Ea trena wing i winim 25 yias

IVAN BAYAGAU i raitim

EA Trena Wing (ATW) i bin amamasim 25 yia bilong ol olsem wanpela skwat insait long Papua Niugini Defens Fos. Long dispela selebresen ol PNGDF i luksave long dispela skwat olsem wanpela batalion o wing.

Dispela wing i stat olsem wanpela skwat long mun Ogas 12, 1975 we Se Albert Maori Kiki husat i bin minista bilong Difens long makim gavman i bin kisim sampela balus long Royel Australian Ea Fos (RAAF). Ol balus ya em tupela DC3s, P2-001 na P2-002. Na tu long dispela taim i bin gat 22-pela Papua Niugini soldias long dispela skwat (5-pela pilot na 17-pela mekenik). Ol i bin bes long Lae.

Tasol long 1991 gavman i bin muvim ol i kam long Jackson Ea pot long Mosbi.

Nau yet ATW i gat ol Nomads, Aravas, Irokwoi na CASA balus na moa long 200 wokman long wing.

Long makim dispela de long Sarere, 12 2000 ol memba bilong Ea Trensport Wing i bin kamapim wanpela pareid long ai bilong Difens Fos Minista Muki Taranupi na ol narapela bikman bilong Australia Defens Fos na tu bilong Polis.

Long dispela taim, Minista Taranupi i tokim ol soldia olsem em i save olsem dipatmen i gat bikpela hevi wantaim mani na em i save long dispela na olgeta balus bilong ol i stap long graun bikos i no gat mani long ronim ol na tu i no gat mani long fiksion ol.

Nau yet i gat tupela helikopta



• Difens Minista Muki Taranupi i lukluk long gad ov ona ol ami bilong Ea Skwat i givim em long wanpela lukluk raun bilong em dispela ya. Foto: IVAN BAYAGAU.

tasol i wok long ron na narapela tupela helikopta, tripela Arava na tupela Cassa i bagarap na stap nating.

Em i tok PNGDF i gat moa long K51 milien dinau na dipatmen i bin bekim i go inap i gat K16 milien tasol i stap long dispela dinau. Em i tok olsem taim em i bin kamapim wanpela ripot long nevi bilong Difens fos ol bikman long gavman i bin kirap nogut long lukim ripot long wanem hevi ol difens i gat long en. Na kaikai bilong dispela em i nau Ea trena Skwat i kamap wing. Na em i tok komiti insait long fos husat i lukluk long ol hevi bilong fos i kamapim nara-

pela ripot we bai i redi long ol memba bilong palamen bai lukim.

Minista Taranupi i tok em laik olgeta pilot i mas gat moa trenning na tu ol mas gat nupela laisens bilong ol. Em i tok nau yet i gat tupela helikopta i wok long wok gut na ol narapela i stap yet long graun bikos i nogat mani long ronim ol.

Mista Taranupi i tok em i gat namba tri ripot i bai kamap tu bipo long pinis bilong dispela ya.

Em i bin tokim ol em i wok long askim yet gavman long givim dipatmen K1 milien long ronim olgeta balus.

Plis askim pablik long helpim ol daunim hevi long siti

TAIM pasin bilong stil, trabel na kilim dai man i wok long go antap gen long Mosbi, ol plis i wari na ol i putim strongpela askim i go long pablik long helpim ol daunim ol hevi we i wok long bagarapim sindaun insait long komyuniti na sosati.

Long las wiken yet insait long Mosbi siti, ol bin kilim dai tripela man, tupela meri em ol bin bagarapim na i bin gat 12-pela keis bilong stil pasin.

Bihainim ol dispela, bos bilong ol plis long Mosbi na Asisten Plis Komisina Tom Kulunga i askim pablik tu long was gut long taim ol i wok-about na putim ripot kwiktaim long ol plis sapos ol i lukim sampela samting we ol i gat saspek olsem ol man nogut i stap insait long en.

Mista Kulunga i tok taim ol plis i wok hat long lukautim laip bilong ol pipel na propeti bilong ol lain insait long siti, pablik i mas helpim plis long ripotim ol saspek aktiviti na ol lain husat i haitim ol stilma.

Em i tok insait long ol trabel we i bin kamap long siti las wiken. Pia Silika bilong Orokolo insait long Galp provins i bin dai taim olpela man bilong meri i go insait long haus we tupela i siip long en na sutim em.

Long narapela, Michael Namba=bilong Mul baiya insait long Westen Hailans i bin dai taim sampela lain i kilim em dai long Konedobu we em bin go long lukim brata bilong em long Newtown kompau na las Fraide. Na las long en em Nathan Maha husat i gat 19 krismas bilong ples Sovi long Manus i bin dai long Fraide taim narapela man i kilim em long Foa Mail hostel.

Plis ripot i tok Nathan i bin iusim planti blut na dai long Mosbi Jeneral haus sik.

Mista Kulunga i tok ol plis i wok long karimaut ol wok painimaut long ol dispela trabel we i bin kamap long las wiken na we mak bilong em i wok long go antap moa long dispela taim.

Katolik yut bai kamapim kalsarel so

KATOLIK yut insait long Mosbi bai holim wanpela bikpela kalsarel so bilong ol yut long dispela Sarere Ogas 19 long Sir John Guise stedim.

Dispela bai namba 7 Katolik Yut kalsarel so na bai pulim ol yut i kam long 11-pela paris olgeta long stap insait long ol kain kain pilai na tumbuna singsing long dispela de. Na long Sarere nait bai i gat bikpela yut bung long Sivarai Namona we ol yut bai holim baibel kwis, singsing string ben, pilai drama na ol arapela pilai we ol wanwan yut grup bai kamapim.

Siaman bilong Pot Mosbi Kalsarel Komiti Peter Kumbun i tokim Wantok olsem dispela em wanpela program bilong Katolik yut long kamapim olgeta ya we ol i mas mekim na holim ol pasin tumbuna na kalsa bilong ol

istap yet. Bikos planti yangpela tude i wok long lusim dispela pasin tumbuna o kalsa bilong ol.

Mista Kumbun i tok ating wok bilong sios i bin daunim planti pasin tumbuna na kalsa tasol i gat rot we pasin kalsa na lotu i ken poroman wantaim long sanap na wok gut wantaim ol pipel.

Bai i gat resis bilong Mis na Masta Katolik Yut Kwes, wankain olsem long makim king na kwim.

Long las ya em Erima paris i bin winim Mis Katolik Yut kwes na St Joseph paris i bin winim long sait bilong ol man.

Dispela wok bilong Katolik Yut Kalsarel Komiti i bin stat long 1987 na long 1997 ol i amamasim namba 10 krismas bilong dispela Kalsarel komiti.

RAMU SUGAR



The Sweetest Thing

Lo na oda hevi long Kimbe i gat warl

FRANCO NEBAS i raitim

WANPELA spesel plis operesen long Kimbe i wok long go het bihain long planti raskol pasin i wok long kamap

Dispela spesel operesen ol i kolim "operesen stretim sindaun" i stat las mun bihain long ol raskol pasin i go bikpela.

Wantok i bin bungim dispela operesen long Kimbe wof we man

i go pas long dispela operesen. Risef Sajient John Owen i bin tok long dispela.

Mista Owen i tok insait wanpela mun tasol i bin i gat moa long 5-pela raskol pasin olsem arm roberi o stil pasin, sutim man long naip, stilim ka na arapela ol samting i kam.

Provinsel plis komanda tu em i kisim bikpela bagarap bihain long raskol i paitim em na tu wanpela risef plis i kisim bagarap long naip.

Long wankain taim tu, 4-pela man wantaim wanpela feltori gan na bus naip i hensapim menesa bilong wanpela kampani na ronawe wantaim ka na ol kompyuta.

Tasol ol plis long Dagi komyuniti plis i kisim bek ka ya.

Sajient Owen i tok em i bilip olsem wanpela bilong ol dispela raskol em wanpela man husat plis i laikim em long planti trabel olsem long kilim man long Madang na tu sampela trabel long Rabaul.

Dispela saspek em nem bilong em, William Kapis bilong Is Niu Briten husat i sevim 49 yia long ronawe long kalabus na arapela ol trabel.

Plis i wok long mekim wok painimaut yet long holim dispela man. Ol plis i holim mama bilong em na lokim long sel.

Owen i tok dispela operesen em long voluntia bes i kam long ol bisnis komyuniti na lain long Kimbe mekim long stretim sindaun.

Operesen ya i lukim plis sekim ol sips na balus i kam insait long Kimbe na tu i go ausait long ol saspeks o spak brus.

Em i tok arapela bikpela hevi em, planti ol yut i save karim naip raun long taun we taim trabel save kamap ol i yusim tasol long pait na plis bai traime stapim dispela pasin.

Eem i singaut i long jenerel publik long helpim plis painim na husat i lukautim ol raskol bai plis i mekim save long ol.

Kopa na Waran ples kamapim wanbel

WANPELA taim gen bilong wanbel namel long ol pipel bilong Kopa ples insait long Seko lokol gavman kaunsil eria long Kabwum distrik wantaim memba bilong ol Ginson Saonu i kamap long pinis bilong mun Julai.

Long 1997 nesanel ileksen taim ol pipel bilong Kopa i bin bruk long tupela kandidate, Joe Wahasoka na Ginson Saonu, ol pipel yet i bruk na ol i laik tok sori na wanbel na stap olsem wanpela manmeri olsem bipo na wok bung wantaim memba Mista Saonu.

Ol i singautim Mista Saonu na ol publik sevans long Kabwum stesin long bung na witesim dispela wanbel de bilong ol.

Mista Saonu i tokim ol pipel bilong Kopa olsem Kabwum open sit na lidasip bilong em i no bilong Mista Saonu na Mista Wahasoka o bilong wanpela ples, nogat.

Em samting bilong olgeta wanwan manmeri insait long Kabwum distrik na tu lo i tok wanpela i mas win na arapela i mas lus. Na gutpela pasin em long wanbel hariap na wok bung wantaim kandidate i win na bai rot bilong sevis i ken kam gut.

Mista Saonu i tok insait long dispela wanbel bilong ol pipel, em i ken wok gut wantaim ol long traime bringim gut sevis i kam long ol pipel.

Lida bilong tupela ples wantaim i bin senisim tit bilong pik na putim long nek bilong narapela narapela long makim pinis bilong dispela bruk namel long ol insait long tripela krismas nau.

Ol i tok sori tru long Mista Saonu na wanbel long wok bung wantaim em long kamapim sevis olsem wara saplai, haus lotu na rot. Ol i tokaut olsem ol i no inap bruk moa insait long 2002 nesanel ileksen.

Ol i kilim tripela pik wantaim wanpela kau na kaikai bilong gaden na stua long kamapim wanbel na kuk kaikai wantaim.

Ol pipel bilong Waran ples i soim bel amamas bilong ol long memba long kamap slip long ples wantaim ol. Ol i tok sori na promis long strongim em gen.

Mista Saonu i tok maski husat i no bin votim em, em i memba bilong ol insait long 5-pela krismas na em bai traime yet long givim ol helpim na sevis long olgeta pipel wantaim.

Mista Saonu i tokaut long K80,000 bilong Indagen Satwag rot na em askim ol pipel long ol yet i mas wok na kisim mani na noken wet long masin bai wokim wok.

Ol pipel i wanbel na redi long wok wantaim ol distrik wokman long statim dispela projek.

Is Niu Briten welkamim MV Minigulai



• MV Minigulai long taim em i mekim ol raun bilong em long dispela wik bihain long em i kisim nupela nem.

MOA long 500 manmeri na pikinini long olgeta sios long Rabaul taun i bung long Rabaul Luteran sios long witesim wanpela spesel sios sevis long Sande.

Dispela spesel sevis o lotu we ELC-PNG yet i kampani em long soim tok tenkyu o amamas i go long ol pipel long Is Niu Briten long nem "Minigulai" ol i givim i go long wanpela sip bilong Luteran Siping kampani.

"Minigulai" em long tok ples i olsem pisin bilong solwara.

Long soim amamas i go long ol pipel bilong Is Niu Briten wantaim ol lida bilong ol ELC-PNG wantaim Luteran Siping kampani i ogenaism dispela bung.

Het bisop bilong ELC-PNG Dokta Wesley Kigasung yet i bin givim tok tenkyu i go long ol pipel bilong Is Niu Briten.

Long de selebrasen i lukim, ol memba long olgeta sios long Rabaul taun i bin kamap bung wantaim long amamasim dispela de.

Ol samting kamap em, choir singing, yut grup putim ol sampela pilai na tu singing tumbuna na tieta grup i mekim save.

Ol lain tu i bin kisim sans long ron long "MV Minigulai" long tripela hia long kisim filings.

Ol sampela bikman husat bin stap tu long witesim dispela selebresen em, memba bilong Lae na Minista bilong Trensport Bart Philemon, Gavana bilong Morobe Luther Wenge, poro bilong em long Is Niu Briten, Francis Koimanrea, Sir Alkan Tololo, Sir Paulus Matane, Gavana bilong Manus Steven Pokawin na Gavana bilong Is Sepik Authur Somare.

Man stap tu long dispela bung em, ol bisnis komyuniti long Rabaul taun, ol dairekta bilong Kambang Holdings na Luteran Siping jenerel menesa Terry Fuery.

Dokta Kigasung long opisel toktok bilong em i tok tenkyu i go long Is Niu Briten pipel long dispela nem ol i givim.

Em i tok planti pipel na ol lida i bin askim em long wanem ol i kolim dispela sip Minigulai na i no wanpela

nem bilong Morobe?

Em i tok mipela i no rong long kisim nem long ol Tolai, long wanem namba wan Luteran misineri Jonanes Flieri i bin kam long Is Niu Briten 114 yia i go pinis we em i stat wokim wok misin.

Flieri i bin stap long ples Raluwana na mekim wok misin na tu long dispela taim i wokim namba wan sel bot long go mekim wok misin.

"Dispela em long histori" so Luteran sios i no lus tingting na i kam bek long tok tenkyu i go long ol pipel bilong Is Niu Briten" em i tok.

Sir Alkan Tololo i tok bikpela tenkyu i go long Luteran sios na i tok Luteran Siping i wokim gen long helpim ol pipel we na kos bilong balus i go antap moa.

"Long mipela ol liklik manmeri long Papua Niugini dispela sevis sios i givim i gutpela tru insait long raun bilong mipela insait long kantri," em i tok.

Sir Alkan tu i singaut strong long ol lida long lukluk long gutpela rot long stretim trenspot sevis olsem long solwara na tu rot we planti pipel i save yusim.

Minista Bart Philemon i tok PNG i no inap develop sapos i nogat gutpela trenspot sistem long kantri.


Long Gavman bilong de ol i lukluk long 4-pela sevis em Agrikalsa, Helt, Edukasi na sios tu tasol bikpela hevi em long trenspot.

"Sapos nogat gutpela trenspot sevis, dispela arapela sevis bai i no inap pipel i kisim", em i tok.

Gavana Francis Koimanrea i tok dispela sevis Luteran Siping givim em gutpela tru, maski yu bilong wanem sios yu kalap long "MV Minigulai" yumi olgeta em bung wantaim.

Em i tok maski hevi bilong mani i stap nau tasol Luteran Siping i traime bes bilong givim gutpela sevis i go long ol liklik lain long ples long kamapim sip trenspot sevis.

"Minigulai" tu i bin mekim wanpela spesel ron i go olsem long Bialla wof we i lukim moa long 2000 manmeri, pikinini i bin sambai long wof long holim na lukim sip.




Niugini Builders Suppliers

The largest stock of:

- Timber
- Hardware Goods
- Plumbing Items
- Electrical Appliances
- Furniture Items

For the Show Weekend
Specials

call us on
Ph: 545 1361
or
545 1499



**FOAPELA PES TOKTOK BILONG RT. HONORABLE
SIR MICHAEL T. SOMARE, GCMG CH MP MINISTA BILONG
BOGENVIL AFEAS I GO LONGNESENEL EGRIKALSA KONFRENS**

HET TOK: "EGRIKALSA NA BOGENVIL PIS PROSES"

LAE INTENESENEL HOTEL - 7 OGAS, 2000

Viles egrikalsa em i namba wan rot ol pipel bilong Bogenvil na planti ples bilong png tu i gat long painim mani.

Ol fama na egrikalsa opisa long Bogenvil i painim planti hevi wankain olsem ol wanwok bilong ol long ol narapela hap bilong kantri.

Tasol sampela salens i kamap long Bogenvil i narakain.

Sampela bilong ol dispela hevi i kamap long taim bikpela pait i kirap long 1989 i kam inap long Oktoba 1997 bihain long ol i sainim tok promis long stapim pait.

Sampela i pas long wok bilong bringim gutpela sindaun na stapim kros pait i kamap gen.

Orait bai i toktok pastaim long ol hevi em dispela woa long Bogenvil i kamapim long wok egrikalsa.

Bai mi toktok tu long ol wanem samting egrikalsa i ken mekim long bringim gutpela sindaun na belisi.

Bai mi soim wanem samting yumi nidim long mekim dispela wok long ol narapela eria bilong ikonomi, ol wok bilong gavman na helpim bilong ol ovasis gavman long strongim wok egrikalsa.

Las toktok bilong mi i sut stret long polisi mi bilip yumi mas bihainim: olgeta level bilong Gavman, ol praiwet kampani na komyuni i mas tok wantaim long strongim egrikalsa na dispela bai i kamapim gutpela sindaun na bel isi.

OL HEVI BILONG PAIT

Plantu pipel i tingting long maining long Panguna, tasol wok egrikalsa em i bun bilong bun bilong ikonomi na rot ol pipel bilong Bogenvil i save kisim mani.

Egrikalsa i givim kaikai na mani long ol pipel long ples.

Egrikalsa i givim wok long ol pipel.

Sapos i gat gutpela manesmen, bisnis na mani i kam long wok egrikalsa bai i winim maining.

Long taim bilong san na ples i drai, em nau bai kaikai i sot, tasol long taim nating ol pipel bilong Bogenvil i gat inap kaikai.

Long ol narapela ples long Papua Niugini tu ol pipel i no save sot long ol gutpela kaikai.

Bipo long opait i kamap long Bogenvil long 1989, Bgenvil i winim tru ol narapela provins long Papua Niugini long kakao bisnis. Foti pesen kakao insait long kantri i kam long Bogenvil na tu pesen long kakao long wol.

Kakao i gutpela bisnis bikos bikpela mak bilong kakao em ol pipel bilong ples yet i groim long graun bilong ol.

Bogenvil i bin gat planti ol bikpela kokonas plantesin tru long Saut Pasifik olsem na em i winim ol narapela provins long mak bilong kakao em i save kamapim.

Ol smolholda i mekim bikpela wok tu.

Ol pipel long ples i planim kakao na kokonas na ol i wok gaden tu na planim kaikai. Na ol i karim ol kaikai i go salim long maket long Buka na Arawa.


Ol i kilim pik long bus na salim abus long maket, sampela i lukautim kakaruk.

Pis tu i narapela abus bilong ol pipel.

Ol pipel bilong Bogenvil i no sot long kaikai na ol i salim ol kaikai na kisim mani tu.

Dispela kain laip em ol i kolim sabsistens afluens.

Long taim pait i kamap na i strong tru long 1988-89, ol rot, bris



I kam long pes 1

haus na gaden bilong ol pipel tu i bagarap.

Bisnis bilong kakao na kopra tu i pundaun.

Planti pipel i lusim ples na ranawe i go hait long ol kea senta.

Long dispela taim nau, kaikai i sot. Ol bikpel plantesin tu i painim taim. Sampela bilong ol em ol asples i tekova. Tasol ol i no inap lukautim na ranim olsem bipo na wok i stop olgeta long salim kakao na kopra.

Tude i gat planti tausen yangpela manmeri husat i no klia long pasin bilong wok gaden, o lukautim ol bisnis diwai olsem kakao na kopra na ol i no go skul tu.

Ol kainkain gutpela kaikai tu i sot long provins.

Ol pipel i sot tu long mani.

Bihain longtok promis long stapim pait long 1997, ol pipel i go bek long ples na statim gen wok. Ol i planim kaikai long gaden na stretim ol plantesin bilong ol.

Ol i planim ol nupela haibrid kakao gen.

I tru olsem kakao na kopra bisnis i stat isi isi gen, tasol em i wok long gro gen.

We ol pipel i ken kisim dinau, ol i stretim gen kakao fementeri na kopra draia o ol i wokim ol nupela.

Dispela ol samting i soim olsem viles egrikalsa i gro gen na ol pipel i planim kaikai na ol bisnis diwai tu.

Ol i stat planim ol nupela samting olsem rais.

Tasol ol bikpela plantesin i stap nating - ol i wet long harim wanem kain toktok bai kamap long sindaun bilong ol long bihaintaim.

Bikepla wok moa i mas kamap bipo long provins i ken winim gen mak bilong kaikai na bisnis em i save kamapim long wok egrikalsa bipo long pait i bagarapim provins.

EGRICALSA NA BELISI

Lincoln na Ceasefire Agreement i luksave olsem sapos pait i pinis bai belisi na gutpela sindaun i no inap kamap hariap.



Dispela tupela agreement i toktok long olgeta samting i mas kamap bipo long belisi na gutpela sindaun i ken kamap long Bogenvil.

Tasol ol i no toktok long wok egrikalsa.

Tasol egrikalsa em i wanpela bikpela samting long kirapim bek developmen - em i ken helpim ol pipel long go bek long ples na kirapim gen sindaun bilong ol.

Egrikalsa i ken strongim wok bilong belisi long planti arapela rot.

Ol pipel i wokim gaden na planim kaikai long mekim ol kastam pasin bilong pinisim kros na pait. Ol yut na yangpela man husat i bin pait long bus nau i gat sans long go bek long ples na planim kakao na wok kopra.

Sapos yumi strongim na developim egrikalsa insait long provins, bai i gat sans long ol lain i givim bek olgeta samting bilong pait, kirapim gen sivel atoriti na ol narapela senis long kamapim gutpela sindaun.

I mas gat inap risos long mekim dispela samting.

Na i mas go stret long kamapim gutpela sindaun long ples.

Yumi mas skelim gut wan wan ples na kamapim wok inap long helpim ol tru.

Mi minista bilong Bogevil Afeas, tasol mi mas tokaut olsem mi yet i no bosim wok egrikalsa long Bogenvil - na i no wok bilong Nesenel Gavman tasol.

Egrikalsa bai kamap strong gen sapos bisnis na komyuniti tu i sapatim wok.

Aninit long Ogenik Lo long provinsal gavman na lokal level gavman, Gavana Honorabel John Momis, Bgenvil interim provinsal gavman na Bogenvil Edministresen i gat bikpela wok long mekim.

Nau ol i wok long toktok wantaim ol lida na grup husat i no laik stap insait long nupela Ogenik Lo - aninit long agrimen namel long interim provinsal gavman na Bigenvil pipel's kongres.

Mi sori tru olsem Francis Ona na ol hadko sapota bilong em egensim dispela agrimen na wok bilong bringim belisi long Bogenvil. Tasol mipela i wok long askim ol yet.

Gavana i wok long redi na long holim wanpela pablik miting long toktok long ol plen bilong Bogenvil.

Mi givim ful sapat long dispela aidia bilong em.

Sapos yumi kism hariap tingting bilong ol pipel long plen

bilong Bogenvil, bai mipela i ken traim painim mani long nesenel baset o long ol ovasis kantri - na yumi ken hariap long kirapim wok.

Bai i gutpela sapos olgeta i wanbel long husat tru bai i go pas long mekim ol bikpela wok long stretim ol samting na kirapim gen developmen, na wok bilong ol ovasis kantri, em i wanpela bikpela samting.

Bikpela salens yumi bungim nau i no bilong kisim ol sid na

I kam long pes 2

planim na kisim toksave. Yumi mas sapotim wok egrikalsa long wanem ol samting em i nidim long wok bilong en.

Yumi mas luksave na wok long stapim ol hevi na pait i kamap gen sapos yumi luksave long ol as bilong ol hevi i

kamap bipo na traim long abrusim ol dispela hevi.

Yumi mas skelim stret ol samting na givim sans long ol pipel bilong Bogenvil long stap insait long wanem kain wok i kamap long ples bilong ol.

SAPOTIM EGRIKALSA RIKAVERI NA DIVELOPMEN

Kokonas na kakao ekstensen ejensi nau i wok long wanpela bikpela projek long planim moa long 9 milien kakao na 100,000 (wan handet tausen) diwai kokonas.

Nesenel gavman i kirapim dispela wok tasol ol ovasis kantri i givim mani na teknikal sapot long dispela projek.

Ol dispela lain em Yuropian Yunian, AusAID, na Yunaitet Nesens Dvelopmen Progrem.

Mani ol i givim long dispela projek em inap long K2milien long tupela yia.

Dispela projek bai helpim tu ol kakao femanteri na kopra draia.

Baset bilong olgeta disepla wok bai inap long K3.8 milien.

Tasol dispela projek i nidim moa spot.

Edministresen long Bogenvil i no wok gut inap 10-pela yia nau olsem na ol i nidim sapot na ol gutpela wokmanmeri long strongim wok.

Pasin bilong bosim mani bilong kainkain wok i mas strong na ran gut. Planti yangpela manmeri long Bigevil i no bin skul o kisim trening long kain kain wok olsem na bai em i no isi long kisim ol na givim trening long ol long mekim wok.

Ol pasin nogut bilong bipo i no mas bagarapim ol wok i kamap gen nau long Bogenvil.

Ol pipel i mas gat taim long ketsap long ol samting - yumi mas helpim ol manmeri na ol komyuniti husat i no gat sans long kisim ol dispela helpim.

Mi amamas long tok olsem ol lida bilong Bogenvil i luksave long dispela samting na givim ful sapot long ol projek.

I mas gat taim long plenim gut ol aid progrem na edukesen em wanpela bilong ol, olsem na yumi mas hariap long stretim olgeta wok bilong ol kain projek olsem.

Ol narpaela wok bilong sapotim wok egrikalsa tu em i bikpela samting na i mas kisim wankain luksave.

Ol kain samting olsem gutpela trening long ol farmer bikos sampela bilong ol i no kisim wanpela skul long dispela wok.

Sampela i no gat eksperiens long pasin bilong planim na lukautim ol diwai, i gat tu ol hevi we ol pipel i no klia long

ritim ol toksave long ekstensen wok, pasin bilong lukautim mani bilong bisnis na ol narapela samting.

Ol hevi em dispela trabel long Bogenvil i kamapim long ol ples i soim olsem husat ol fama i laik kirapim wok bai i mas kisim liklik dinau long helpim wok.

Tasol ol benk husat i holim mani bilong ol kastama long Bogevil i mas givimaut mani long ol akaun em ol kastama i no yusim long taim bilong krais.

Ol i mas sambai long mekim dispela wok, eksampel em long salim ol opisa bilong benk i go raun long Bogenvil.

Ol i mas mekim olsem tu long mani bilong ol kastama husat i dai pinis.

Benk i mas givim bek dispela mani i go long famili bilong daiman na maski long holim bek mani.

Mi Minista bilog Bogenvil Afeas na mi laik lukim moa mani i go long helpim ol liklik dinau bilong ol pipel bilong Bogenvil husat i nidim helpim long kirapim gen wok long viles plantesin.

Mi askim ol ovasis kantri long helpim, ol lain olsem AusAID, Yuropian Yunian, na UNDP long kirapim ol kain projek olsem.

Narapela samting em kabinet i ken lukluk long en em long baim ol bikpela plantesin na givim i go bek long ol pipel.

Long taim bilong helpim ol fama tum dvelopmen bilong egrikalsa long Bogenvil i mas sut tu long stretim gen ol rot na bris i bin bagarap long taim bilong pait.

AusAID i givim mani long stretim bikpela rot long not i go long saut Bogenvil.



Dispela projek i helpim tu long bringim bel isi bikos em i

givim sabkontrak wok i go long ol kampani bilong Bogenvil na ol grup husat i bin pait bipo.

Yuropian Yunian i lukautim wok bilong stretim ol han rot.

Ol sip i go sua nau long Kieta olsem na ol pipel i gat sans long karim ol kago bilong ol i go salim long dispela bris. Narapela bris i stap long Buka.

Ol ples bilong baim kakao na kopra em long Buka, Wakunai,

i go moa long pes 4

i kam long pes 3

Loloho, Kieta, Kangu na Mamagota.

Wanpela kampani bilong Papua Niugini ol i kolim Agmark, i kisim laisens long salim kakao bilong Bogenvil i go ovasis.

Ol rot bilong salim ol egrikalsa bisnis long Bogenvil em i kirap pinis na long sampela hap bai klostu i redi nau.

Olsem na egrikalsa em i wanpela rot bilong pinisim pait na kamapim belisi insait long komyuniti.

Bikpela askim nau em i go long ol narapela hap bilong dispela rot bilong bringim belisi na gutpela sindaun i go long Bogenvil.

Mi tok pinis, wok bilong kirapim gen egrikalsa na developmen bilong egrikalsa bai i sapotim ol narapela program bilong



bringim belisi, we ol pipel bai givim bek olgeta samting bilong pait, kirapim gen sivilien gavman na stretim gen ol samting i bin bagarap long taim bilong pait.

Tasol dispela samting i ken kamapim tu hevi sapos yumi no lukaut gut.

Ol fama na egrikalsa opisa i no inap mekim wok bilong ol sapos pait na hevi i stap yet. Dispela em i tru long taim bilong salim ol samting i go longmaket.

Dispela program bilong ol Australia na Nu Silan long kirapim komyuniti plis i gutpela na moa pipel bilong Bogenvil i kisim trening long wok bilong oksileri plisman na meri.

Mipela i bihainim tu tingting bilong gavman long strongim ol han bilong en na skelim gut mani bilong baset, olsem na ol greduet bilong ol dispela projek bai i gat sans long painim wok.

I mas gat ol samting bilong wok (ol kain samting olsem haus na opis) na ol kot na haus kalabus.

Yumi mas bihainim ol toktok insait long Lincoln na Ceasfire Agreement we i to kolsem ol pipel husat i wok long egrikalsa na ol arpela wok bai i no ken pret long birua.

Gavman i mekim klia olsem em i wari bikos ol lain i no wanbel long givim bek olgeta samting bilong pait em i stap yet long han bilong ol.

Pasin bilong sloim daun ol toktok long givim bek ol samting

bilong pait, i mekim ol pipel i tingting planti long ol mausman husat i stap insait long ol toktok bilong bringim belisi na gutpela sindaun long Bogenvil.

Dispela ol wok bilong painim rot bilong pinisim ol trabel na hevi long Bogenvil bai i no inap kamap sapos i no gat wanbel long rot bilong rausim olgeta samting bilong pait insait long komyuniti.

LAS TOKTOK

As bilong dispela toktok bilong mi em long soim olsem egrikalsa long Bogenvil i bungim wankain ol salens em ol narapela ples long Papua Niugini tu i bungim. Tasol sampela bilong ol dispela salens i narakain na i bilong Bogenvil tasol.

Wok bilong painim belisi na gutpela sindaun i mas karamapim olgeta narapela wok tu, olsem na wok bilong kirapim gen na developim egrikalsa i pas tu long ol narapela wok.

Egrikalsa wantaim ol narapela wok bilong gavman, bai i stap long agenda bilong ol toktok i kamap gen namel long gavman na ol mausman bilong Bogenvil. Ol lida bilong Bogenvil i nesenel gavman i mas givim dispelawok i go long han bilong ol.

Long mun Julai, ministri bilong mi i bin go pas long wanpela woksop we moa long 100 bos bilong ol gavman dipatmen na ol senia opisa i harim ol dispela toktok bilong ol lida bilong Bogenvil.

Mi Minista bilong Bigenvil Afeas, mi laik Nesenel Egrikalsa Kaunsil i harim gut ol dispela toktok.

Mi bin tokaut long ol samting em Bogenvil i nidim long wok egrikalsa, ol sapot em i nidim long ol narapela han bilong gavman, ol ovasis kantri na insait long komyuniti.

Mi laik lukim ol rijonal pis monitoring grup i sapotim wok bilong belisi long ol nupela rot. Wanpela eksampel em long-givim moa kontrak i go long ol kampani long Bogenvil na tu long baim ol kaikai long ol Bogenvil pipel.

Las toktok em i bikpela askim - mi laik yupela olgeta i tingting gut long dispela skim bilong Bogenvil we ol i laik olgeta pawa bilong wok egrikalsa i mas stap long han bilong gavman bilong Bogenvil.

Mi askim yupela long skelim dispela askim bilong ol na ol wok bilong saiens, ol teknikal samting na lukluk tu long wanem samting lo bilong kantri i tok.

Ol opisa bilong Nesenel Gavman na Bogenvil Delegatesen bai bung gen long Ogas 28 na ol lida bai bung sampela de bihain-olsem na bai mi amamas long harim wanem kain edvais yupela i ken givim mi.

Tenk yu.



Enga Mioks i winim maina primia taitel

HENRY MORABANG i raitim

ENGA Mioks i winim pinis maina primiasip taitel taim em i autim Lae Bombers 12-10 long SP Kap resis las wiken.

Dispela gem ya i strongpela tru tasol gutpela lek bilong Robert Tela i bagarapim win bilong Lae Bombers. Tela i save pilai wantaim Lae Bombers bipo na nau em i go joinim ol asples long Mioks.

Win ya i surikim Mioks i go long klia 15 poin olgeta. Rabaul Guria i stap bai i holim yet namba tu ples wantaim 12 poin. Mt Hagen Eagles husat i winim Pot Mosbi Vipers 18-16 i kisim namba tri ples.

Mendi Muruks husat i wilwilim Waghi Tumble i stap namba foa wantaim Eagles long 11-pela poin.

Pot Mosbi Vipers i surik i kamdaun olgeta long namba faiv ples. Em wantaim Simbu Warriors i gat 10 poin.

Ol boi long Pot Mosbi i gat sans long winim namba tri o foa ples sapos ol i winim Rabaul Guria long dispela wiken taim ol i bung long Jack Emmanuel Park long Kokopo.

Lae Bombers, Simbu Warriors na Mt Hagen Eagles bai long dispela wiken. Nau yet Bombers, Warriors, Waghi Tumble na Goroka Lahanis i aut long fainel bilong SP Kap kompetisen long dispela yia.

Difending sempion Goroka Lahanis i kisim taim stret long han bilong ol Simbu Warriors 24-16 las wiken long Dickson oval long Kundiawa. Na dispela i bagarapim tru sans bilong ol long traim winim bek SP Kap.

Pot Mosbi Vipers i gat liklik sans tru long go insait long fainel. Em i mas prea na Mendi Muruks i lus long Enga Mioks. Na tu ol i mas mekim mirakel long traim winim dispela gem egensim

Rabaul Guria.


Goroka Lahanis na Waghi Tumble husat bai pilai long dispela wiken i west-im nating taim bilong ol. Bikos tupela tim wantaim i aut pinis bikos skoa bilong ol i no inap tru long kisim ol i go insait long fainel.

Long dispela wiken, Pot Mosbi Vipers bai bungim Rabaul Guria, Goroka Lahanis bai salensim Tumble long Goroka na Mendi Muruks bai skelim gen strong bilong ol lain Enga Mioks.

Dispela gem namel long Mendi Muruks na Mioks bai kamapim stret paia lait bikos long boi Sauten Hailens Raymond Karl bai go pas long Mioks ya.

Las taim tupela i bung long Aipos oval, Enga Mioks i no kamapim gut gem na ol i lus long Mendi Muruks.

SP KAP RIPOT



• Solomon Hui (lephan) na Simon Rumet i amamas bihain long Hui i putim trai long SP Kap resis las wiken egensim Mt Hagen Eagles. Amamas bilong ol i stap sotpela taim tasol bikos Eagles i win long fultaim 18-16.

Ragbi yunion makim trening skwat bilong Osenia Kap

RAGBI YUNION RIPOT

PAPUA Niugini Ragbi Futbal Yunion (PNGRFU) i makim pinis 21 pilaia long trening skwat bilong en long resis insait long Osenia 7's tonamen we bai kamap long Raratonga, Cook Ailan.

Dispela sempionsip bilong ol kantri insait long Osenia rijen bai kamap long mun Septemba 21-22. Tim menesa Tony Armstrong i tok dispela tonamen ya em i bikipela samting tru long ragbi yunion insait long kantri long skelim we PNG i sanap egensim ol arapela kantri long Osenia.

"Wina bilong dispela Osenia tonamen bai makim rijen long Wol Kap Sevens long Januari neks yia.

"Tim ya bai nogat lusim tru sevis bilong Kwari Tau, Kevin Vitolo na Aiem Pilokos. Tasol ol selekta bai mas painim nau senis bilong ol

"Mipela kamapa pinis wanpela gutpela skwat na i gat sampela nupela pes we i ken kisim ples bilong ol dispela tripela pilaia," Armstrong i tok.

Tim menesa i tok ol pilaia bai stap insait long wanpela trening program na fitnes tes bipo long PNGRFU i ken makim fainel 10 pilaia long makim PNG long dispela Osenia sempionsip.

Nesenel sevens kosa Robin Tarere bai go pas long trening long ol pilaia long Lae na ol ausait senta. Na long Pot Mosbi, Armstrong yet bai lukautim ol pilaia bilong Pot Mosbi long Bava Pak. Ol pilaia husat i no laik long skwat i mas ringim Armstrong long 325 5358 na ol pilaia long Lae i mas lukim Joe Toilip. Skwat ya em Paul Joseph,

Michael Mipari, Iko Maisere (Daru), Norland Warpin, Ian Leklek, Paul Pomoso, Joe Kautu, David Camilus, Jessie Mono, Michael Bai, Asi Vele Tola, Raymond Rauieb, Gabriel Tika (Pom), Joe Toilip, Warren Teno, Willie Arthur, Brian Dikori, Norman Tokunai, Douglas Watt, Aiem Pilokos (Lae), Thomas Wani (Mt Hagen).

Insait long arapela stori, Mista Tarere na Charles Yamanson bai go stap insait long wanpela woksap bilong Intanesenel Ragbi Bot Gem Developmen long Sidni, Australia long dispela wik. Edministresen opisa bilong PNGRFU lan Liveras i tok dispela woksap ya em hap bilong Intanesenel Ragbi Bot developmen i go long ol kantri insait long Osenia rijen.

"Dispela kain kos ya em bilong trenim ol trena. Taim Tarere na Yamanson i kambek, ol bai holim ol dispela kain kos long ol memba asosiesen bilong PNGRFU," Liveras i tokim Wantok.

Taim tupela developmen opisa i kambek, ol bai go pas long holim ol klinik long stat bilong neks mun. Bihain long dispela, ol bai makim ol man long stap insait long Level 1 kosa na refering kos. Tarere bai stap insait long level 3 kosing woksap na Yamanson bai sindaun long level 1 na level 2 refering assesing kos. Dispela em i wankain kos i kamap long Nu Silan long 1998 na 1999 long Fiji.

PNG Gas kamap olsem mesa spona bilong Kumuls

RAGBI LIG RIPOT

SIAMAN bilong Papua Niugini Ragbi Lig Bot John Numapo i amamas long tokaut olsem bikipela ges kampani, PNG Gas, bai kamap olsem mesa spona bilong Papua Niugini Kumul long Wol Kap resis long dispela yia.

Nem bilong Kumul nau bai kamap olsem PNG Gas Kumul.

Numapo i tokaut olsem PNG Gas em

wanpela bikipela projek we i kamap long karim ges long Papua Niugini na go long Kwinsien long Australia. Olsem ges bilong PNG stret orait ol i amamas tu long givim sapos i go long nesenel ragbi lig tim bilong PNG yet.

Siaman i tokaut long dispela insait long wanpela kibung bilong ol niusman long Gateway Hotel long Pot Mosbi.

"Mi amamas long tokaut olsem PNG Gas i sapotim tim na i kisim neming rait sponsasip bilong PNG Gas Kumul," Numapo i tok.

Em i tok PNG Gas Kumul long 2000 bai gat ol pilaia i gat ekseperiens, strong na tu save long pilai i kam long ol pilaia long Australia, Nu Silan na tu Inglan.

Ol bikipela nem pilaia bilong PNG olsem Adrian Lam, Marcus Bai, David Westley, Bruce Mamando na Stanley Gene bai givim ekseperiens i go long nesenel tim.

Numapo tu i amamas long arapela ol spona

olsem Puma, Air Nugini, Leuko Sportstape na Coca Cola.

Dairekta bilong PNG Gas Mosely Moramoro i tokaut olsem kampani bilong em wantaim ol siaholda olsem Oil Search Limited, Chevron Niugini, Exxon Mobil, Mineral Risoses Developmen Koperesen (MRDC) na Mistsubishi i amamas long givim neming rait long Kumul long kempen bilong em long Wol Kap.

Taim PNG Gas i wok long painim maket long wol, PNG Gas i amamas tru olsem Kumul bai karim nem bilong kampani long traim wokim ol nupela bisnis long Yurop. Nau yet PNG Gas bai givim saplai bilong ges i go long Kwinsien.

Dr Moramoro i tokaut olsem wantaim gutpela wok kepten bilong Adrian Lam na ol ekseperiens pilaia bilong Kumul olsem Marcus Bai, Stanley Gene, David Westley na Bruce Mamando, tim ya bai kamap wanpela gutpela embasada long karim nem bilong kantri long wol.

Momase soka tonamen surik go long Oktoba

...Somare bai givim K8,000

YAKAM KELO i raitim

MOMASE Rijonal soka tonamen bai kamap long Oktoba 19 inap long Oktoba 22 long dispela yia.

Dispela senis long taim i kamap bihain long bikipela luksave olsem long Septemba independens de bai planti distrik i gat kain kain pilai bilong ol yet long amamasim 25 yia independens bilong kantri. Na tu ol Gavana bilong Momase na ol arapela open memba tu i no inap kamap long lukim soka tonamen ya bikos ol bai istap long distrik na provins bilong ol yet na amamasim independens de wantaim ol pipel bilong ol.

Tonamen dairekta bilong Momase rijinol soka federesen John Peka i tok bikipela sori

i go long ol wanwan asosiesen husat i redim ol yet i stap long dispela senis. Pastaim em toktok i stap pinis olsem Momase rijinol soka tonamen bai kamap long Septemba wantaim independens de.

Peka i tok ol i surikim dispela tonamen i go long de stret we tonamen bipo i save kamap long en long mun Oktoba. Dispela tu inap givim moa taim long ol lain i go pas long lukautim tonamen long redim ol yet wantaim ol wok na ol samting bilong lukautim pilai. Na tu inap givim inap taim long ol tim i ken redim ol yet gut long kamap long tonamen.

Peka i tok taim bilong baim na pinisim olgeta afiliesen fi em long Septemba 30.


Peka i tokaut tu olsem opis bilong rijinol memba bilong Is Sepik na papa bilong kantri, Sir Michael Somare i tokaut pinis olsem bai ol i givim K8,000 long lukautim na

kamapim dispela Momase rijinol soka tonamen. Na tu bai opis bilong Sir Michael Somare bai baim tupela bikipela kap bilong tupela sempion tim bilong man na meri. Na federesen bai lukluk long ol arapela prais.

Tonamen dairekta John Peka i askim tu ol arapela Gavana bilong Momase rijen long soim rispek long Sir Michael Somare na sapotim em long dispela soka tonamen na givim helpim bilong ol tu.

Peka i tok politiks i save oltaim toktok long bung wantaim tasol long soka em Momase rijen i sanapim dispela piksa bilong bung wantaim olsem na ol Gavana na ol open memba tu i mas sapot long dispela tingting.

Em i askim ol open memba long soim sapot bilong ol long helpim wanwan soka tim we i kam long distrik bilong ol long pilai insait long Momase rijinol soka tonamen.






• Pili bilong Mt Hagen Eagles na Pot Mosbi Vipers i sanos referi bal givim tok orait long trai onogat.



• Tupela susa bilong Sentrel provins ya i brukim bun long winim taitel long Sentrel Netbal sempionsip we i bin kamap las wiken long Sir John Guise stadium. Lephon: Seketeri bilong PNGFA Ivan Naghan (lephan) i stretim soka bal em i laik givim i go long Pom Skul Soka. Presiden bilong Pom Skul Soka Channel Kakahe i sanap long raithan na namel em Joe Turia.

• Fulbek Beno Lului bilong ANZ Yunivesiti primia klab autim bal long kik resis i kamap las wiken long Pot Mosbi.



• Powat bilong Pot Mosbi Vipers Solomon Hui i laik takolim Billy Noi jnr bilong Mt Hagen Eagles long SP Kap resis long las wiken. Eagles win 18-



PORT MORESBY SOCCER ASSOCIATION Saturday August 19, 2000

Table with 3 columns: Time, Match ID, and Match Name. Includes Bisini One (1) and Bisini Two (2) matches.

University Oval matches table with 3 columns: Time, Match ID, and Match Name.

Bisini One (1) and Bisini Two (2) matches table with 3 columns: Time, Match ID, and Match Name.

University Oval matches table with 3 columns: Time, Match ID, and Match Name.

POINTS LADDER table with 8 columns: Division, Premier, P, W, D, L, F, A, PTS.

Division - One table with 8 columns: Club, P, W, D, L, F, A, PTS.

Division - Two table with 8 columns: Club, P, W, D, L, F, A, PTS.

Division - Four table with 8 columns: Club, P, W, D, L, F, A, PTS.

Table with 8 columns: Club, P, W, D, L, F, A, PTS. Includes Babaka, Tawala, and Division - Youth.

Division - Womens One table with 8 columns: Club, P, W, D, L, F, A, PTS.

Division - Womens Two table with 8 columns: Club, P, W, D, L, F, A, PTS.

PAPUA NEW GUINEA RUGBY LEAGUE SP cup 2000

Points ladder table with 8 columns: Club, P, W, L, D, F, A, PTS.

Round twelve draw table with 2 columns: Match, Date.

ISLANDS REGIONAL COCA-COLA U17 CARNIVAL

Table with 2 columns: Game, Time. Includes Kokopo New Rugby League Grounds.

COCA-COLA LAE CORPORATE TOUCH

Points Table Wednesday table with 10 columns: Teams, P, B, W, L, D, F, F/A, Pts.

PNG Motors and Herbalife table with 8 columns: Club, P, W, D, L, F, A, PTS.

LAE FOOTBALL (SOCCER) ASSOCIATION GAME 14 & 15

Saturday August 19, 2000. Table with 3 columns: Time, Match, and Venue.

Sunday August 20, 2000. Table with 3 columns: Time, Match, and Venue.

PORT MORESBY RUGBY UNION Saturday August 19, 2000. Bava Park

Oval 1 and Oval 2 matches table with 3 columns: Time, Match, and Venue.

KOIARI RUGBY LEAGUE

Outstanding matches table with 3 columns: Time, Match, and Venue.

Points Table A Grade table with 8 columns: Club, P, W, D, L, F, A, Pts.

FANTA PORT MORESBY NETBALL ASSOCIATION

First Semi Finals - Week 15 Saturday August 19, 2000. Table with 3 columns: Time, Match, and Venue.

Pool B matches table with 3 columns: Match ID, Match Name, and Venue.

Pool C matches table with 3 columns: Match ID, Match Name, and Venue.

Pool D matches table with 3 columns: Match ID, Match Name, and Venue.

Pool E matches table with 3 columns: Match ID, Match Name, and Venue.

U15 Pool A - 1000am matches table with 3 columns: Match ID, Match Name, and Venue.

Pool B matches table with 3 columns: Match ID, Match Name, and Venue.

Pool C matches table with 3 columns: Match ID, Match Name, and Venue.

Pool D matches table with 3 columns: Match ID, Match Name, and Venue.

Pool E matches table with 3 columns: Match ID, Match Name, and Venue.

U17 Pool A - 1100am matches table with 3 columns: Match ID, Match Name, and Venue.

Pool B matches table with 3 columns: Match ID, Match Name, and Venue.

Pool C matches table with 3 columns: Match ID, Match Name, and Venue.

Pool D matches table with 3 columns: Match ID, Match Name, and Venue.

Pool E matches table with 3 columns: Match ID, Match Name, and Venue.

U21 Pool A - 1200pm matches table with 3 columns: Match ID, Match Name, and Venue.

Pool B matches table with 3 columns: Match ID, Match Name, and Venue.

Pool C matches table with 3 columns: Match ID, Match Name, and Venue.

Pool D matches table with 3 columns: Match ID, Match Name, and Venue.

Pool E matches table with 3 columns: Match ID, Match Name, and Venue.

Division One - Court Two matches table with 3 columns: Time, Match, and Venue.

Division Three - Court Four matches table with 3 columns: Time, Match, and Venue.

Division Four - Court Five matches table with 3 columns: Time, Match, and Venue.

Division Five - Court Six matches table with 3 columns: Time, Match, and Venue.

Division Seven - Court Eight matches table with 3 columns: Time, Match, and Venue.

Division Eight - Court Nine matches table with 3 columns: Time, Match, and Venue.

Seniors - Court Allocations 1st Semi Finals table with 3 columns: Match ID, Match Name, and Venue.

Seniors - Court Allocations 2nd Semi Finals table with 3 columns: Match ID, Match Name, and Venue.

Seniors - Court Allocations 3rd Semi Finals table with 3 columns: Match ID, Match Name, and Venue.

Seniors - Court Allocations 4th Semi Finals table with 3 columns: Match ID, Match Name, and Venue.

Seniors - Court Allocations 5th Semi Finals table with 3 columns: Match ID, Match Name, and Venue.

Seniors - Court Allocations 6th Semi Finals table with 3 columns: Match ID, Match Name, and Venue.

Seniors - Court Allocations 7th Semi Finals table with 3 columns: Match ID, Match Name, and Venue.

Seniors - Court Allocations 8th Semi Finals table with 3 columns: Match ID, Match Name, and Venue.



IKEN WOKIM GUTPELA SAMTING LONG YU

OL BISNIS LONG MT HAGEN

Bungim Mt Hagen So saplimen wantaim

SAPLIMEN BILONG
WORD PUBLISHING

Tenk yu tru, Gavana: Kuk

THEO THOMAS i raitim

WESTEN Hailans So Sosaiti i salim bikpela tok amamas bilong ol i go long Gavana bilong Westen Hailans Provins, Fr Robert Lak long halivim em i bin givim long ol long ronim so bilong dispela yia.

Siaman bilong so komiti, Mista Simon Kuk tok long dispela yia ol lain husat i save halivim ol so komiti long mani samting i no laik sapotim so olsem ol lain bilong em i wok long lukluk long ol narapela rot bilong kisim ol halivim.

"Tasol Gavana bilong mipela, Fr Robert Lak i harim singaut bilong mipela na i givim K80,000 long mipela na mipela i amamas tru long dispela gutpela pasin na tingting gavana i gat taim em wokim dispela," Mista Kuk tok.

Mista Kuk tok wok we ol so komiti i save wokim long bringim ol so i kamap i bikpela tru bilong wanem kain rot i save halivim mipela long noken lus tingting long pasin tumbuna bilong mipela na tu i save skulim ol mipela long ol kainkain pasin tumbuna mipela gat.

Olsem na long olgeta taim, ol

kain so olsem i mas kamap long wokim bambai ol manmeri na ol yangpela ino ken lus tingting long pasin tumbuna bilong mipela.

Mista Kuk tok kain gutpela pasin we Gavana na ol arapela bisnis haus i bin wokim long halivim so komiti long wokim so i soim tru olsem ol tu i gat tingting long strongim pasin tumbuna bilong mipela olsem na em promis olsem ol so komiti bambai yusim gut ol mani em ol givim long ol.

Ol samting we bai kamap long so long dispela yia em olsem 40 singsing grup long olgeta hap bilong kantri, ol pawa ben pilai we sampela ol bikpela ben i bai stap insait long en na ragbi lig gem namel long ol Hagen Eagles na Waghi Tumble.

Mista Kuk tok taim ol so komiti i luk olsem ol lain husat i save halivim so komiti long ronim so i no inap stap insait long dispela so, ol kirap na lukluk long ol sampela rot we ol i ken painim mani bilong baim ol lain husat i stap insait long so olsem ol singsing grup.

Rot em ol tok long yusim long dispela so em long kisim mani bilong ol turis na baim ol sings-



■ Dispela kain singsing bai i kamap long so.

ing grup.

Mista Kuk tok ol i harim pinis long lain husat i save karim ol turis i kam insait long kantri olsem 400 turis tok long go long Hagen long lukim so na so komiti bai sasis wanwan turim olsem

K100. Mani em ol kisim long dispela lain bai go stret long baim ol singsing grup.

Na long K80,000 em gavana i bin givim. K30,000 em ol i bin yusim long stretim so graun na ol samting we i bin bagarap.

Narapela K50,000 em Mista Kuk tok ol bai yusim long ronim so.

Ol narapela bisnis haus husat i bin givim halivim long so komiti em Lae Biscuit, BNG, Wamp Nga Group of Companies, Coca Cola na Bromley Manton.

Come and Enjoy your Stay - Weekend - Holiday - Hideaway



Josephine Arut, a staff member

at Kumul Lodge (Wabag)

* 45 minutes drive from Mt Hagen

* 45 minutes drive from Wabag

* Self-contained rooms - Twin Share K120.00
- Single K 90.00

* Tour Guide to the Mt Hagen range

* Top Security by local boys (24hrs)

* Two parking area

* Spectacular view

Facilities Include:

Conference Room can hold up to 150 people

Party Hire

Catering - traditional mumu

Bar & Restaurant


Book now to avoid disappointment

Phone: 547 4042 - Fax: 542 1615


Yu-Yet-Kam-na-lukim - Kumul Lodge.




Enjoy the friendly hospitality famous in Enga



Part-owner and Manager, Paul Arut shares a refreshment with Enga Governor Peter Ipatas and Mr Dian Roo in the Bill Skate Bar.



Drive-way into Kumul Lodge



Spectacular view from Conference Room.



A PERSONAL WELCOME BY THE GOVERNOR


It is a pleasure to join the chairman for the Mt Hagen Cultural Show and his committee in welcoming you to Mt Hagen. Forty years on since the first Mt Hagen Show in 1961 and we are proud to maintain the high status of this world renowned show.

My Government will continue to play a major role in facilitating this important annual event to demonstrate to the world that Western Highlands will continue to revive and maintain its traditional cultural heritage despite the threat of advanced western influence.

My Government will continue to support tourism development processes in the province. Mt Hagen is ideally central to major tourist destinations of the Sepik, Tari (home to the Huli Wigmen), Enga and Madang. We are less than an hours jet flying time from Port Moresby and less then 30 minutes to any of the above destinations. The proposed airport extension is currently underway and in the near future will take larger aircraft.

Mt Hagen has enjoyed a steady growth since it's inception in 1933 to become an important centre for economic development and distribution of goods and services to the Highlands region. Mt Hagen still retains it's natural beauty, it's long traditions and culture and the warm friendliness of it's people. Mt Hagen, now with a population of about 20,000 was named after a German Administrator, Kurt Von Hagen. For many visitors it has a charged and exciting frontier atmosphere of culture and commerce.

I commend my people of the Western Highlands for their efforts and participation. They are curious observers and welcome visitors interested in their



• FR. ROBERT LAK, MP.

traditional lifestyles. In addition to the cultural display at the show, often visitors can witness roadside interactions amongst elders, on political issues, bride price exchange or simple planning of other communal festivities.

Mt Hagen is rapidly changing from a stone age culture to global society. Such a dramatic change does not take place without side effects such as law and order problems. Every city has it's rogues, use comon sense, seek advice from your hotel or tour operator.

Have an enjoyable stay in Mount Hagen.


Hon. Fr Robert Lak, MP
Governor - Western Highlands

SAPLIMEN BILONG WORD PUBLISHING

OL BISNIS LONG MT HAGEN

Bungim Mt Hagen So saplimen wantaim

Traim sampela kaikai bilong ol Saina



■ Kuk boi bilong haus kai i stretim wanpela plet kaikai bilong wanpela kas-toma.

THEO THOMAS i raitim

PASIN bilong ol manmeri long go kaikai long ol haus kaikai em samting mipela ol Papua Niugini i no save wokim tumas. Ol lain husat i gat inap mani tasol i save go kai long ol ples olsem.

Tasol sapos yu wanpela man husat i laik traim ol sampela nupela kain kaikai, traim go long ol haus kaikai bilong ol Saina o Chinese resturan.

Long Hagen, wanpela kain ples olsem we yu ken go long en em long Friendship Club. Long go kaikai long dispela ples, ol lain long hap i no wari tumas sapos poket bilong yu i pulap long mani o nogat. Bikpela samting em yu i gat inap mani long baim kaikai na dring long hap.

Friendship Club i stap long arere tasol long Okuk Haiwe olsem faiv minit ausait long siti. Sapos yu ron long ples balus i kam, bai yu lukim Friendship Club long han sut bilong yu.

Ples ya em ol wokim ino longtaim igo pinis tasol planti ol manmeri i wok long go insait long hap na meneja bilong Friendship Club i laik bambai planti moa ol manmeri i mas i go insait.

“Mi laik bambai planti ol manmeri i kam insait long traim ol kaikai bilong mipela,” Mista James Lin, meneja bilong Friendship Club tok.

Mista Lin tok long nau yet ol lain husat i save go kaikai long hap em ol wokman meri bilong ol kampani nambaut long Hagen tasol em laik bambai ol manmeri nating long go insait long hap long traim ol kaikai bilong ol.

Kainkain stail kaikai

Em tok haus kaikai bilong ol i no save kukim kaikai ol Chinese kaikai tasol. Ol i save redim ol narapela kaikai olsem fish and chips na ol arapela kain kaikai olsem tu long belo.

Em tok ples kaikai bilong ol i gat spes we inap holim olsem 40 manmeri.

Ol narapela samting em yu ken painim long Friendship Club em ples bilong pilai poki na ples bilong holim ol pati.

Dispela ol tripela ples insait long Friendship Club i no stap wantaim long wanpela hap. Nogat. Ol i stap nambaut longwe longwe long narapela narapela. Olsem na sapos yu laik go long hap long kaikai na stori long bisnis samting, ples tru bilong yu long go em Friendship Club. Long hap, nogat man bai wokim nambaut long yu.

Mista Lin tok planti ol lain husat i bin go insait long yusim ol samting long hap i painimaut olsem ples i nais tru na nogat biru.

Helpim bilong ples lain

Tu em tok olsem taim ol bin opim Friendship Club i kam inap nau, ol i no bin bungim sampela hevi bilong wanem ol asples lain long hap i gutpela lain tru.

Olsem na sapos yu laik traim han bilong yu long poki masin o kaikai bilong ol Saina or holim liklik pati, ringim ol poro bilong yu long Friendship Club long 545 1686 na askim ol long stretim wari bilong yu.

HAGEN AIRPORT MOTEL

Formerly Transit Inn



AIRPORT ROAD, KAGAMUGA

- 20 self contained deluxe rooms, fully furnished
- Multi Channel TV
- Alcohol Free Inn
- Wide Car Parking Area
- Only moments from Kagamuga airport and 5 minute drive from Hagen City.
- Free Courtesy Bus Available
- Restaurant on premises to seat up to 40 people
- Conference facilities
- Catering for Lunches, dinner, breakfast and take-away
- Minutes away from the golf course and the popular Mt Hagen Showground
- Cheap rates available for rooms and meals
- Corporate rates are available



For immediate reservations contact Mrs. Imelda Makap on phone 545 1302


HIGHLANDS HIGHWAY
 ▲ To HAGEN
 ▼ To LAE

TRANSIT INN

P.O. BOX 1162, MT HAGEN AIRPORT ROAD, KAGAMUGA. PHONE: 545 1302, 545 1647 FAX: 545 1618

TO AIRPORT

AIRPORT



WE ARE HERE!


OL BISNIS LONG MT HAGEN

Bungim Mt Hagen So saplimen wantaim

SAPLIMEN BILONG
WORD PUBLISHING



Ol piksa long Hagen So



There's No Place Like Home

Be smart and spend your next holiday right here

25
PAPUA NEW GUINEA

Paradise Live
PAPUA NEW GUINEA

Tourism...
...Walking Together into the Future.

Start your Adventure holiday today, call your nearest travel agent or talk to the Papua New Guinea Tourism Promotion Authority.

Call us on: 3200 211 or visit us at: www.paradiselive.org.pg

SAPLIMEN BILONG WORD PUBLISHING

OL BISNIS LONG MT HAGEN

Bungim Mt Hagen So saptlimen wantaim



■ Ol bikman olsem Gavana Lak, olupela Turis na Kalsa Minista Kala Swokin na Simon Kuk raun long so las yia. Raithan: Simon Kuk (raithan) i kisim 100 katen bisket long Lae Biscuit Kampani brens menesa long Hagen.



■ Ol turis na ol pipel long ovasis i save laikim stret long lukim ol singsing na kainkain bilas bilong wanwan ples. Aninit: Simon Kuk hatim stret long danis wantaim ol singsing grup long so.



LODGE MOTEL ACCOMMODATION

NEWTOWN LODGE (MT. HAGEN)

- Very clean standard rooms and self contained rooms with TV and extras
- Pleasant environment providing a friendly, peaceful and comfortable atmosphere
- Meals and rooms charged at budget prices
- 30 participant conference room
- No security problems as its owner managed


Call us for bookings on phone 542 2872

We are located 3 minutes drive from Highlander Hotel towards Enga & Southern Highlands Highway on the left.

COMTRAIN LODGE & CAR HIRES (LAE)

- Standard & share facility rooms with TV and extras
- Pleasant location with conference room for 20 people
- Meals and rooms charged at budget prices
- Room & car hire package at K230 per day
- Room rates - K50/K60 per day with/without TV & extras

Call us on phone 472 2271 Fax 472 5586



Security is not a problem for us.



SAPLIMEN BILONG WORD PUBLISHING
OL BISNIS LONG MT HAGEN
Bungin Mt Hagen So sapliment wantaim

■ Peter Bater laik bai yumi rispektim na lukautim ol turis. Raithan: Ol Huli tu bai ol i mekim save long so.

Rispektim ol turis: Barter



SIAMAN bilong Tourist Promotion Authority (TPA), Peter Barter i askim ol manmeri long Hailens na long ol narapela hap long respektim ol turis husat bai kam raun long Papua New Guinea long ol wik ikam.

Mista Barter tok olsem long dispela taim bilong yia i gat planti ol turis i kam raun long wanem i gat ol so igo inap long Silva Jubili long Septemba. Long wokim wok bilong turis indastri long ron gut yumi mas amamasim ol visita ino long ol smail bilong yumi tasol, yumi soim ol gutpela pasin bilong yumi bai ol visita bilong yumi ken stap gut.

Na tu emi askim ol man meri long noken askim long moni taim ol turis laik kisim piksa o singaut nating long moni. Yumi laikim bai ol turis kam tasol em ino gutpela long yumi askim long moni. Yumi les long mekim PNG long luk olsem ples man meri save singaut long moni.

Em tok ol spendim mani long kam hia na yumi mas noken traim long askim ol natingnating long mani. Mipela i no ken wokim olsem PNG em wanpela kantri pulap long ol lus manmeri.

Igat planti manmeri insait long PNG husat igat respek na gutpela pasin long ol turis, long bifo ibin gat liklik namba long ol raskol husat save wokim stil pasin igo inap nau ol bikman long ol gavaman bilong ol turist wok long tokim ol long noken kam raun long PNG. Dispela i wokim na nau yumi nogat planti turist wok long kam na emi no gutpela long wanem liklik namba long ol manmeri save wokim ol dispela pasin nogut na dispela i bagarapim PNG long ai bilong ol narapela manmeri husat laik kam raun long PNG.

Mista Barter itok olsem ol turis husat wok long raun insait long PNG mas lukaut na noken karim paspot bilong ol, planti moni na ol samting igat bikpela moni. Em tok ol turis imas toktok wantaim ol local otoriti long bihainim wei na pasin bilong ol manmeri na long pilim olsem ol ken raun na noken pilim poret.

Mista Barter itok ol komuniti mas lukautim ol visita bilong ol long wanem sapos wanpela long i wokim gutpela pasin long ol visita bilong ol bai olgeta yet long dispela komuniti bai kisim nem nogut. Em i tok olsem yumi olgeta laik lukim bikpela senis long PNG na yumi mas wokim bai ol visita bilong yumi bai amamas taim ol i lusim PNG.



MOUNT HAGEN CITY AUTHORITY

OFFICE OF HEALTH INSPECTORS

- Health Inspectors
- Food Premises
- Disease Control
- Health Education
- City Sanitation
- Building & Plumbing
- Residential Premises

OFFICE OF REVENUE

- Land Tax
- Sanitation and Garbage
- Trading & Town Services
- Dog Licences
- Septic Pump

Do not litter - Keep Mount Hagen clean

**1st Floor Wamp Nga Haus
 P.O. Box 75, MOUNT HAGEN
 Western Highlands Province**

**Telephone: 542 2104, 542 3698
 Facsimile: 542 2842**

SAPLIMEN BILONG WORD PUBLISHING

OL BISNIS LONG MT HAGEN

Bungim Mt Hagen So saplimen wantaim

Pawa i go long ples

RURAL Ilektrifikesen program o wok bilong pulim pawa i go long ol bus ples we Westen Hailans Provinsel Gavman i wok long wokim ino wok long go het gut.

Provinsel Edministreta bilong Westen Hailans, Dr Thomas Webster tok dispela i kamap bikos ELCOM i no inap long karim aut dispela bikpela wok.

Dr Webster tok provinsel gavman i givim pinis mani na ol narapela halivim long wokim dispela wok tasol ol ELCOM i wok long isi isi yet.

Long wanpela leta em Sif Enjinia bilong ELCOM, Mista Grant Hoffmeister i bin salim i go long Dr Webster long Mun Mas 27, em tok ELCOM bambai wokim savei na redim ol wok long 11-pela ples we ol i luksave pastaim na ol narapela wok em ol praivet kontrakta husat i gat inap mani na save long wokim wok i ken wokim.

Dr Webster tok ELCOM i lukluk pinis long ol lain husat i laik wokim dispela ol wok na ol i bai tokaut long husat winim kontrak bihain

long dispela mun.

Em tok wok tru bambai stat long mun Novemba.

Aninit long projek, 11-pela ples long provins bai kisim pawa we i karim ai na lo voltaj pawa. Bipo ELCOM i bin putim tasol ol sotpela lain.

Ol ples we projek i wok long ron yet em: Ogelbeng-Pit, Kotna-Ambuga; Ulya- Kurkur; Koibuga-Paglun; Ogelbeng-Minimp; Tambul-Yombikul; Muglamp stesin-Keta/Mogla; Anglimp-Kurki; Kindeng-Rokump; na Kagamuga - Kelua.

Dispela wok bilong bringim pawa lain i go long ples em Fr Lak yet i bin kirapim. Long taim em stat i kam inap nau, em i lusim ol K5 milien long dispela projek.

Fr Lak luksave olsem dispela wok em wokim bambai wokim na ol manmeri i ken wokim gutpela haus na tu halivim ol long igat gutpela sindaun.

Tu em i ting dispela program i bai halivim ol long kilim indai hevi bilong lo na oda.



MOUNT HAGEN CULTURAL SHOW 2000 PROGRAMME

Kagamuga Show Ground

Saturday 19th August, 2000

08:00	Singsing groups preparation, body decoration and face painting, outside show arena
11:00	Singsing groups enter main arena - Mt. Hagen Cultural Show begins
12:00	Official Opening Police Guard of Honour Chairman's welcome address Governor's welcome address Official opening by Guest of Honour
13:00	Official inspection of Singsing groups
13:30	Singsing groups open to spectators
15:00	Close of Singsings

Sunday 20th August, 2000

08:00	Singsing groups preparation, body decoration and face painting, outside show arena
11:00	Singsing groups enter dancing arena
13:00	Official inspection of Singsing groups
14:30	Singsing groups open to spectators
15:00	Rugby League game
17:00	Official closing of the Show

KARKOPI DEVELOPMENT LIMITED

P.O. Box 90, BANZ, WHP, Papua New Guinea

KARKOPI DEVELOPMENT LIMITED WILL CELEBRATE ITS SILVER JUBILEE ON THE 1st OF MARCH 2003, 25 YEARS AGO KARKOPI PURCHASED AMULIBA NORTH COFFEE PLANTATION AND HAVE BEEN IN ACTUAL OPERATIONS.

First and paramount important is to sincerely congratulate our past and current members of parliament for gaining independent and ensuring Papua New Guinea to remain independent for 25 good hard working years. At the same time, we individual Papua New Guineans should also congratulate ourselves for whatever we did to develop ourselves physically and mentally during the last 25 years. Planting coffee, coconut or vegetables in the back yard for cash and or completing education in various educational institutions within the last 25 years have contributed to the development of PNG.

We all should now be endeavouring to continue with that we have been doing to increase in quantity and capacity. Initiate more business activities so to create more job available for the young people of tomorrow. Today we see unemployment problems resulting to criminal activities by our young people and this could be the tip-off-the-iceberg.

Governments at all levels should continue going out to the people and assist in initiating and funding business activities. We should now be talking more on down-stream processing or any project that will create more jobs. Keeping a youth in

employment will enable him/her to stay away from rascal and or criminal activities. This is a long term measure to curb law and order problems in PNG. Increasing manpower and logistics to the police, CIS and justice departments will help reduce current law and order problems as short term measures.

To have peaceful people in our beautiful country is to engage 50 per cent of the country population in some form of employment, be it wage earner or self-employed. It is impossible to engage 50 per cent of current youth population in employment this year but lets prepare for years that are yet to come. Law breakers are mostly unemployed youths or the have-nots.


We, shareholders of Karkopi development limited, congratulate Papua New Guinea for its 25 years of Independent. Also wish to thank the government of Papua New Guinea for helping us in buying back our land. Thank you. We are also proud to say that we have participated in the development of our country PNG.

Philip Kapal, OBE
Chairman

BHP BHP Steel Building Products PNG Limited

Manufacturers and Suppliers of:

- Roofing and Wall Cladding
- Rainwater Products
- Construction Steel
- Merchant Steel
- RHS & SHS
- Mesh
- Nails
- Pipes and Tubes
- Reinforcing Steel
- Fencing Materials



- BestBuilt Office Furniture
- Lifting and Industrial Wire Rope

Contact your nearest sales office

LAE (Head Office)
 Montoro Street, PO Box 872
 Tel: 472 1866 - Fax: 472 1697

RABAU
 Bay Road, PO Box 62
 Tel: 982 1872 - Fax: 982 1873

PORT MORESBY (Gordons)
 Gabaka Street, PO Box 5455
 Tel: 325 4688 - Fax: 325 4641

MOUNT HAGEN
 Kongin Street, PO Box 71
 Tel: 542 1111 - Fax: 542 2324

MADANG
 Bougainvillea Drive, PO Box 2119
 Tel: 852 3497 - Fax: 852 3499

KIMBE
 Sikal Street, PO Box 433
 Tel: 983 5458 - Fax: 983 5435

OR SEE OUR DISTRIBUTORS AND STOCKISTS NATIONWIDE

**Your partners in
 quality steel solutions**

SAPLIMEN BILONG WORD PUBLISHING

OL BISNIS LONG MT HAGEN

Bungin Mt Hagen So saplimen wantaim

Ol tebol bilong wokim mani

OL man sanap raunim wanpela sunuka tebol aninit long ol sel haus o wansait kapa haus na kilim skin long pilai sunuka em wanpela samting yu i no inap abrusim sapos yu go long ol kainkain ples insait long PNG.

Em tok taim em i bin stat as tingting bilong em em long wokim ol strongpela na gutpela tebol na salim ol long liklik mani i go long ol lain husat i laik baim ol insait long Hagen eria.

Wantaim tupela 20 toea bloring, tupela o fopela man inap long pilai.

Tasol em kirap nogut long lukim olsem ol lain long Wabag, Mendi na Simbu i kam long baim ol sunuka tebol long hap bilong em.

Dispela pasin bilong pilai i stap long olgeta hap na planti man tru i save laik long pilai. Tasol planti taim rot bilong kisim ol sunuka tebol i no isi.

Em tok ol kastoma bilong em long dispela ol provins i lukim olsem ol samting em i wokim i kos liklik mani olsem na ol i wok long kam kisim. Olsem na em laik ol narapela lain tu long luksave long dispela sapos ol i gat tingting long kirapim sunuka bisnis.

Tasol sapos yu wanpela man bilong hailans na yu laik baim wanpela sunuka tebol long halivim yu kisim liklik mani na long wankain taim hamasim ol wantok bilong, wanpela ples we yu ken lukluk long em long baim ol sunuka tebol em Wara Kum Snooker Makers.

Mista Poiya tok sapos ol lain i laik go long ples olsem Lae long baim ol sunuka tebol, em bai kos bikpela mani tru olsem na ol i mas traim long lukluk long hap we i klostu long ol.

Wara Kum Snooker Makers em wanpela kampani we i save stap long Wara Kum long Hagen na ol i save wokim ol strongpela na naispela sunuka tebol.

Wara Kum Snooker Makers i save sali ol narapela hap pat bilong ol sunuka tebol olsem ol tebol klos, ol bal, ol stik bilong sunuka na tu ol i save stretim ol tebol we i bagarap.

Menesing dairekta bilong Wara Kum Snooker Makers, Mista Francis Poiya tok: "wanpela sunuka tebol long wanpela bisi ples inap long wokim namel long K800 o K900 insait long wanpela mun."

Sapos yu baim wanpela tebol long ol, ol tu i ken karim em i go long hap we yu stap long en.

Mista Poiya tok sunuka em wanpela pilai planti man i save olsem na ol lain husat i gat dispela kain tebol inap long wokim isi mani long en.

Olsem na sapos yu laik baim wanpela tebol na painim ples long kisim i stap, ringim ol lain long Wara Kum Snooker Makers long ph/fax 542 3456 o 542 2859.



NATIONAL HEART FOUNDATION OF PAPUA NEW GUINEA INC.




NO KEN SMOK


EM BAI KILIM YU

P.O. Box 158
 Mount Hagen, W.H.P.
 Papua New Guinea

Telephone: 542 2199
 Facsimile: 542 2384
 email: guinnpkf@online.net.pg



Kumul Loj i gat stail ■ Ples bilong kaikai long Kumul Loj. Aninit: Josephine Arut, wanpela wokmeri bilong Kumul Loj insait long wanpela rum slip bilong ol gest.



SAPLIMEN BILONG WORD PUBLISHING

OL BISNIS LONG MT HAGEN*Bungim Mt Hagen So saplimen wantaim***Rot bagarap, asua bilong gavman: Lak**

OL bikipela haiwe na liklik rot long kantri i wok long bagarap bilong wanem gavman i katim tru mani em i save putim bilong stretim dispela ol rot taim ol i brukim mani long baset bilong dispela yia aninit long rifom, Gavana bilong Westen Hailans, Fr Robert Lak tok.

Em tok dispela hevi i wokim na planti ol man meri bilong ol bus ples i kisim taim stret long taim ol i laik go long taun long salim ol samting bilong ol long maket o long go raun long wokim ol arapela wok nambaut.

"Aninit long rifom, ol mani em ol i save katim bilong stretim ol rot em ol i katim na nau mipela i nogat mani stret. Ol wok em mipela i laik wokim i bikipela tasol mani mipela i kisim i liklik tumas." Gavana Lak tok.

Em ol rot long Westen Hailans i bagarap tru na ino longtaim bambai em wokim wanpela stet of imejensi long rot long kamap long lukluk long ol rot we i bagarap nogut tru sapos sampela ol painim sampela mani.

Fr Lak tok ol lain bilong Dei Distrik i kisim taim pinis bilong wanem ol i save ton long tupela rot tasol long go long taun na dispela ol rot i pas pinis long wanem ol bagarap tru. Ol narapela liklik rot we i save joinim ol bikepal rot i go insait long taun i gat wankain hevi em tok.

Gavana Lak tok dispela kain hevi i wok long kamap bilong wanem gavman i katim K10 milien kina bilong Westen Hailans Provins. Bikipela hat bilong dispela mani i save go long stretim ol rot nambaut long provins.

"I gat bikipela tingting long stretim na wokim bambai ol rot bilong mipela i ken stap gut tasol mi ino inap long wokim olsem taim nogat mani." Fr Lak tok.

Em tok em laik bambai ol manmeri tu i mas luksave olsem sampela bilong ol rot i em ol nesanel rot na wok bilong provinsel gavman em long givim ol wokman bilong lukautim ol tasol.

Tu em tok aninit long rifom bikipela hap mani em gavman i katim i go long han bilong ol open memba husat i ken yusim long stretim ol rot long wanwan ol distrik em ol i makim long en.

"Kain samting olsem i no kamap long westen Hailand we mipela i gat sevenpela membe husat i save kisim K1.5 milien long wanwan krismas. Sapos ol i bin wokim sampela samting long dispela mani, ol i mas wokim liklik samting tasol." Fr Lak tok.

Em tok sapos ol open memba givim liklik hap mani long dispela K1.5 milien bilong ol i kam long mipela "em bambai mipela i ken lukim sampela ol rot bilong mipela i kamap gut".

Fr Lak tok planti ol lain ino klia gut long dispela na i save hatim nating provinsel gavman bikos ol ting provinsel gavman i no save wokim wok bilong taim samting tru em nesanel gavman husat i no save givim gut mani bilong wokim kain wok long ol provinsel gavman.

"Ol pipel i save kros long ol gavana oltaim bikos al gavana i save stap wantaim ol na ol open memba i save stap tasol long Waigani." em tok.

Em tok nupela rifom i no inap wok gut bilong wanem ol i no save givim mani long ol ples we i gat ol hevi i stap long en.

Gavana Lak tok gavman i katim K5milien bilong wokim ol rot samting long Westen Hailans Provins. Tu em tok ol i katim mani bilong Lokol Levul Gavman.

"Olsem na mipela i no inap long wokim planti wok long dispela yia." Gavana Lak tok.

Em tok aninit long ogenik lo, dispela mani ol katim i no go stret long ol open memba tasol ol open memba inap long tram long yusim ol mani ol i save kisim long tram na stretim ol rot we i wok long bagarap long ol distrik bilong ol

■ Rot i bagarap na ol planti lain olsem baga ya i painim hat long kam salim kaikai long taun.



SERVING THE HAGEN RURAL

PROVIDING:-

1. FEEDER ROADS AND BRIDGES
2. COMMUNITY SCHOOLS
3. AID POSTS
4. VILLAGE WATER SUPPLIES
5. LAW AND ORDER

*For a Better and
Brighter Future.*

P.O. Box 28, Mt Hagen, WHP

Ph: 542 1733 / 542 1734

Fax: 542 1998

HAMAMAS LONG KISIM KAIKAI

Bikpela yu bringim mipela olgeta i kam bek. Dispela i olsem ol baref bilong bus i drai pastaim tasol yu mekim ren i kam daun na wara i pulap long ol baref. Ol man wok long kra i planim kaikai bai ol i ken amamas na kisim ol kaikai i mau.

narapela. Yupela i no inap i stap aninit long God na long mani wantaim." *Matyu 6: 19-21, 24*

Jisas i tok moa olsem: "Nau yupela harim as bilong tok piksa bilong man i tromoi pikinin wit long gaden. Ol man i harim Guthus bilong kingdom bilong heven na i no save long as bilong en, ol i olsem dispela pikinin wit i pundaun long rot, na Satan i save kam long ol na kwiktaim em i rausim dispea tok God i bin planim long bel bilong ol."

inapim ol tru. Ol manmeri i save manmeri long ol arapela, em ol i ken amamas. Bai God i marimari long ol. Ol manmeri bel bilong ol klin, em ol i ken amamas. Bai ol i lukim God. Ol manmeri i save mekim dai ol kros na pait, em ol i ken amamas. Bai ol i kolim ol pikinin bilong God. Ol manmeri i save bihainim stretpela pasin na long dispela as ol i kisim hevi long ol arapela, em ol i ken amamas. Kingdom bilong heven em i bilong ol."

Matyu 5: 3-10

Buk Song 126: 4-5

Stori bilong Wanpela Man

Wanpela man i go tromoi pikinin wit long gaden. Em i wok long tromoi i go na sampela pikinin wit i pundaun long rot, na ol pisin i kam kaikai. Na sampela pikinin wit i pundaun long hap graun i gat ston, na i no gat planti graun long en. Graun i no daun tumas olsem na ol dispela wit kamap kwik. Tasol taim san i kam antap em i kukim dispela wit. Na wit i no gat rop olsem na em i drai olgeta na i dai. Na sampela pikinin wit i pundaun namel long ol rop i gat nil. Na ol rop i gat nil i kamap na i karamapim wit. Tasol sampela pikinin wit i pundaun long gutpela graun na karim kaika. Sampela karim 100 na sampela karim 60 na sampela karim 30. Man i gat va, em i mas harim dispela tok."

Matyu 13: 26-49



Pasin bilong bungim ol gutpela samting

Jisas i tok moa olsem: Yupela i no ken bungim ol gutpela gutpela samting bilong yupela na long dispela graun long dispela graun ol binatang na ros. Save bagarapim ol samting na ol stilman. Save brukim banis na stilim. Tasol yupela i mas bungim ol gutpela samting bilong yupela long heven. Long heven ol binatang na ros i no save bagarapim ol samting na ol stilman i no save brukim banis na stilim. Long ples ol gutpela samting bilong yu i stap long en, long dispela ples tasol laik bilong yu tu bai i stap."

Jisas i Tok long ol lain man i ken amamas

"Ol manmeri i save ol i stap rabis tru long ol samting bilong God, em ol i ken amamas. Ol dispela manmeri bai i kisim ol gutpela samting bilong kingdom bilong heven. Ol manmeri i kra i stap em ol i ken amamas. God bai i mekim gut bel bilong ol. Ol manmeri i save daunim nem bilong ol yet, em ol i ken amamas. Bai God i givim olgeta graun long ol. Ol manmeri i laikim tumas long bihainim stretpela pasin, long wankain pasin olsem man i hangre tru na i laikim tumas long kisim kaikai na i dai long wara, em ol i ken amamas. Bai God

Na ol pikinin wit i pundaun long graun i gat ston, em i olsem man i harim tok na i kisim kwiktaim na i amamas long en. Tasol em i no gat rop bilong en, na em i save stap liklik taim tasol. Taim ol man i laik daunim tok bilong God ol i givim hevi long dispela man i mekim nogut long em, orait bilip bilong en i save bagarap kwiktaim. Na ol pikinin wit i pundaun namel long ol rop i gat nil, em i olsem man i harim tok, tasol em i tingting planti long ol samting bilong graun, na em i wari long bungim planti mani. Ol dispela samting i karamapim tok bilong God, na em i no karim kaikai. Tasol ol dispela pikinin wit i pundaun long gutpela graun, em i olsem man i harim tok na i save as bilong en. Em i save karim kaikai, inap 100, o 60 o 30."

Diwai nogut i save karim kaikai nogut

Jisas i tok moa olsem: "Sapos diwai i gutpela ortai kaikai bilong en tu bai i gutpela. Na sapos diwai i nogut, orait kaikai bilong en tu bai i nogut. Ol man i save kulim kaikai pastaim, na ol i save, diwai em i gutpela o em i nogut. Yupela man nogut, yupela i olsem ol snek nogut. Olsem wanem na yupela inap mekim gutpela tok? Man em i save autim kain tingting i pulap long bel bilong en. Gutpela man i gat planti gutpela tingting i stap long bel bilong en. Olsem na em i save mekim gutpela pasin. Man nogut em i gat planti tingting nogut i stap long bel bilong en. Olsem na em i save mekim pasin nogut."

Matyu: 12: 33-35

SAPLIMEN BILONG WORD PUBLISHING

OL BISNIS LONG MT HAGEN

Bungim Mt Hagen So saplimen wantaim

IPA abrusim planti kampani

SAMPELA ol kampani long Westen Hailans Provins i no bin givim nem bilong ol i go long ol lain long Invesmen Promosen Atoroti taim ol i go long hap long wokim Database Update Survey bilong wa'em taim i sot.

ol bisnis i bin harim tok na wok gut wantaim ol opisa bilong IPA.

Long ol 239 kampani insait long provins, ol IPA i kisim tasol 130. Em inap long kisim ol arapela tasol taim em ol givim ol long wokim olsem siks wik i sot tumas.

Dispela ol stori bilong wanwan bisnis em ol kisim em ol bambai givim long Invesmen Promosen Atoroti opis, Plening Opis, Maigresen Opis na Opis bilong Leba na Emploimen, Siti Atoriti.

Mista Robert Kombukun, Asisten Sekretari bilong Komes long Hagen tok long wokim wok, ol i bin kisim eitpela (8) wokman long wokim wok.

Siti Meneja bilong Mt Hagen siti Mista Pius Pym tok em i amamas tru long kain tingting biong IPA long karim oaut dispela kain wok.

Tasol, Mista Kombukun tok taim ol i givim long ol long wokim wok olsem siks wik i no inap.

Em tok olsem ol i bin painim hat liklik long save gut long wanem hap ol bisnis i stap long en insait long provins olsem na wantaim dispela ol infomesen em i gat, em bnai wokim isi long em long wokim wok bilong em.

Em tok ol sampela gutpela opisa bilong ol i bin go auti ong wokim wok tasol taim tasol i bin sot.

Long wankain taim, Deputi Edministreta bilong Westen Hailans, Mista Michael Wandil tok taim ol i nogat kain infomesen long han bilong ol, gavmanm bai painim hat long stretim rot bilong wokim na halivim ol man kirapim bisnis.

Sampela samting i no stret em ol wokman i painimaut em ol man bilong ol narapela kantri i wok long paulim tumas ol asples, ol man i no laik tok gut na givim ol stori gut long ol na ol wok pemit na visa i no stret.

Mista Wandil tok long nau yet, ol bikpela kampani i wok long ronim ol planti bisnis bikos ol i nogat kain infomesen long han bilong ol long halivim ol liklik bisnis man.

Tasol long hapsait, planti bilong

Ol lain bilong halivim yu

NESENEL Hat Faundesen (National Heart Foundation) em wanpela grup we i bin kamap long halivim ol lain husat i gat sik long lewa bilong ol. Dispela grup ino bilong wanpela lotu o i bin kamap long wokim mani o i pas wantaim gayman.

olsem i go long Sir Buri Kidu Institiut na Mt Hagen hausik. •Faundesen i sanap long wanem as? Ol man i gat sik long lewa bai tromoi planti mani tumas sapos ol i go ovasis bikos gavman i no save givim mani long ol haus sik long wokim dispela wok. Olsem na faundesen i save traim painim mani long halivim ol manmeri husat i gat hevi long dispela sait.

long ol skul na long ol awenes kempen bilong ol. •Bai yu halivim Faundesen olsem wanem?

Kain ol wok ol i save wokim em long halivim long salim ol yangpela manmeri husat i gat sik long lewa we ol i ken katim long stretim, painim mani bilong halivim ol lain husat i wok long stadi long ol kain sik bilong lewa, toksave long ol manmeri long ol rot bilong abrusim dispela hevi na traim long stretim rot bilong wokim wanpela ples bilong skelim ol kain sik olsem long PNG.

Long nau kain pasin bilong sindaun bilong mipela i tenis na planti kain hevi long ol sik long lewa i wok long kamap bikpela. Sampela as bilong ol kain hevi olsem i save kamap taim mipela i no kaikai gutpela kaikai, ekksesais na smuk tumas.

Long halivim Faundesen long wokim wok bilong ol i no isi na i kos bikpela mani. Olsem na taim yu givim liklik mani samting long Faundesen, yu inap long sevim laip bilong sampela lain o yu i halivim long wokima bambai ol lain bilong mipela long bihain i ken stap gut.

Faundesen to i bin givim pinis sampela ol masin bilong luksave long ol kain sik

Faundesen tu i gat program we em i save skelim ol manmeri long dispela ol samting long nius,

Olsem na sapos yu laik save moa long wok bilong Faundesen o givim liklik mani long ol yu ken toktok wantaim ol long dispela adres:

National Heart Foundation of Papua New Guinea Inc. PO Box 158 Mt Hagen WHP Ph: 542 2199 Fax: 542 2384

Friendship Club

P O Box 1783, Mt Hagen, WHP

- Restaurant
- Nightclub
- Pokies

Safe, Private and Convenient.

For business luncheons, private functions, or family outing,

call your friends at the

Friendship Club

to assist you on ph/fax 545 1686

KONA TRADING LIMITED

(Dealer of B.P. Service Station, Newtown Mt Hagen)

Operator of B.P. Kona, Service Station, Highlander;

"Your One-stop refuelling", fast food and Shopping Outlet" Services include; a

*** KAI - BAR**


*** MINI - MART**

The Best in the City

Ideally located on the Okuk Highway to Mendi & Wabag.

One minute walking distance from Highlander Hotel.

We are open
from 6.30 am
8.30 pm, daily.



P.O. BOX 193, MOUNT HAGEN W.H.P. PAPUA NEW GUINEA
Telephone: 542 3828 542 3259 (A/H), Fax: 542 3734

Tupela marit i no stap wantaim



Bipo bipo long tumbuna taim, tupela yangpela marit i bin stap.

Yanpela man i bin stap long wanpela viles ol i kolim Aivesu, Kimi long hap bilong Okapa distrik. Ol bin baim wanpela yangpela meri bilong em long maritim em, tasol tupela i no bin toktok na raun na bung wantaim.

Man i slip long haus man na meri i slip long haus meri na tupela i no bung long wanpela taim yet.

Wanpela moning man i kirap wokabaut i go long bus bilong katim stik bilong sugaken na meri i lukim na em tu wokabaut bihainim em. Tupela i go tasol tupela i no wokabaut wantaim na stori wantaim i go bikos sem i kisim tupela wansait stret.

Tupela i go kamap pinis na meri i sindaun long sait na man i katim olgeta stik pinis na em kisim na putim sampela long solda na sampela em pulim na stat long wokabaut i go wantaim.

Na na meri i kisim sampela na putim long het na sampela em pulim. Na tupela i wok long abrusim planti hap maunten na wara tasol man i no sindaun na kisim win na malolo. Tupela i wok long abrusim ol maunten i go wara i go wantaim nogat toktok. Tupela i wokabaut i go tasol.

Tupela i kamap long las maunten bilong kamap long ples na meri i sindaun na stori liklik olsem. Bihain long dispela stori bai mi tanim as minim bilong em.


ya ivuvule ive a'aomaive a'aovaive (x2)

Uve havo navilite, Eve i some navilite malate wai-wanaweyao

Aidu ive a'aomaive a'aomaive (x2)

Uve havo navilite, Eve i some navilite malate wai-wanaweyao

Dispela stori i minim olsem, Yu wokabaut olsem wanpela liklik mangi we kus i pas na hap sait i pas long



maus o pikinini i nogat klia tingting na raun as nating. Yu man yu kisim mi kam long bus bilong yu olsem na yu no laik tok dispela em bus bilong mi na slipim mi na kirapim mi. Dispela em maunten bilong mi na slipim mi na kirapim mi dispela em wara bilong mi na slipim mi na kirapim mi na mi pilim amamas. Na amamas bilong mi i kamapim ai wara bilong mi na kapsait na wasim olgeta bodi bilong mi na mi luk narakain tru na mi go kamap long ples na ol lain long ples na ol poro meri bilong mi i ken lukim mi na tokim mi olsem yu brukim bus wara bilong yu stret.

Tasol nau mi kam wantaim dispela das o sid bilong paia na mi no amamas. Na tu yu no laik kisim sampela flava olsem long tok ples ol i kolim long wanewa aunule, lupafalau, miomio na kilikili na bilasim het bilong mi na mi kam wantaim amamas.

**Jatu Avex Bega
Goroka, EHP**

Nem: George Eshun
Krismas: 18 (man)
Save Laikim: Musik, Futbol
Adres: P O Box 0117, Takoradi, Ghana, WA

Nem: Eric Awumey
Krismas: 20 (man)
Save Laikim: Rit na pilai futbol
Adres: P O Box 257, C/- Wamco Takoradi, Ghana, WA

Nem: Prince Cabin
Krismas: 19 (man)
Save Laikim: Singing, lainim ol nupela samting na pilai tebol tenis.
Adres: P O Box 162, Cape Coast, Ghana, WA

Nem: Nicholas Ampiah
Krismas: 17 (man)
Save Laikim: Table tennis, reading
Adres: P O Box 162, Cape Coast, Ghana, WA

Nem: Roxy Osei Duodu
Krismas: 19 (man)
Save Laikim: Pilai futbol na musik
Adres: P O Box 162, Cape Coast, Ghana, WA

Nem: George Williams
Krismas: 19 (man)
Adres: CIS, P O Box 68, Abura Dunkwa, Ghana, WA
Save Laikim: Pilaitebol tenis, musik na lainim ol nupela samting.

Nem: Samuel Morgam
Krismas: 15 (man)
Save Laikim: Tebol tenis
Adres: CIS, Box 68, Abura Dunkwa, Ghana, WA

Nem: Nana Kofi Abaka
Krismas: 18 (man)
Save Laikim: Basketbal na autim Tok bilong Bikman.
Adres: Church of Penbecesb, No. 1 Assembly, Box 43, Elmina, Ghana, WA

Name: Princess Naomi Beeb
Krismas: 20 (meri)
Save Laikim: Wokim penpren long ol lain long narapela kantri olsem PNG and ol arapela hap moa. Laikim gutpela man long wokim pren wantaim na tingting tu long marit wantaim.
Adres: C/- Mr Albert Ofari, P O Box 55, Agona Swedru C/R, Ghana, WA

Name: Billy Tupac
Krismas: 20 (man)
Save Laikim: Harim musik, senisim ol presen na pilai spot.
Adres: C/- Mr Albert Ofari, P O Box 55, Agona Swedru C/R, Ghana, WA

Name: Atapee K. Jinadu
Krismas: 18 (man)
Save Laikim: Raitim pas, pilai teboil tenis na raitim pas.
Adres: Postal Box 2721, Accra, Ghana, WA

Nem: Sylsito Payin
Age: 19 (male)
Save Laikim: Long tennis, listening to cools and love swimming
Adres: P O Box D5704, Dansoman, Accra, Ghana, WA



Nem: Lydia Michelle Tawiah
Krismas: 18 (meri)
Save Laikim: Danis, wokim poroman na kuk.
Adres: Aggrey Mem, Secondary School, P O Box 189, Cape Coast, Ghana, WA

Nem: Annie Pokoo Aikins
Krismas: 21 (meri)
Save Laikim: Lukim televisen, danis na kuk.
Adres: P O Box 724, Cape Coast, Ghana, WA

Nem: Lydia Ekuwa Tawiah
Krismas: 17 (meri)
Save Laikim: Wokim pren, rit na raiti i go i kam wantaim ol pren.
Adres: C/- MR Edward Sackey, Ghana Telecom, Cape Coast, Ghana, WA

Nem: Kelly Husek
Krismas: 20 (man)
Adres: South Sea Evangelical Church, P O Box 812, Wewak, East Sepik provins

Save Laikim: Pilaim gita na singim gospel, serim tok bilong God, Yut ministri na spot, senis presens wantaim ol pen pren.

Nem: Camilus Yarang
Krismas: 24 (man)
Adres: South Sea Evangelical Church, P O Box 812, Wewak, ESP

Save Laikim: Autim tok bilong God, go lotu, yut ministri na raitim pas long penpren.

Nem: Welsy Eyong
Krismas: 19 (man)
Adres: Buten SDA Church, P O Box 02, Angoram, ESP
Save Laikim: Ridim ol buk, go lotu, pilai ragbi tas, pilai soka, go raun long provins, raitim penpren pas na bungim ol narapela lain.

Nem: Nickson Joshua
Krismas: 18 (man)
Adres: United Bougainville Securites, P O Box 199, Buka, NSP
Save Laikim: Go lotu, swim, pilai spots na lukim ol gem.

Nem: Mathilda Maiki
Krismas: 16 (meri)
Save Laikim: Pilai volibal, Lukim TV, waswas na swim, lotu na raitim ol pas.
Adres: Poinini Technical School, P O Box 429, Kimbe, WNB

Nem: Dubex D. Olyon
Krismas: 21 (man)
Adres: C/- Dubuleng Ranger, P O Box 4330, Lae, MP
Save Laikim: Harim PNG musik, pilai soka, volleyball, basketbal, bungim ol arapela nupela brata na susa, serim samting, tok pilai, raun wantaim, senisim poto na wokim penpren.



Dia Confused, Unhappy and Divided,

Mipela i bekim ol askim bilong yupela bikos ol i sut long wankain samting tasol we yupela i askim sapos em i gutpela long ol manmeri bilong narapela hap long kantri long marit. Planti lain i putim dispela askim na leta ya i bekim ol dispela askim.

Em i tru olsem Bikman i wokim yumi olgeta na em no kaunim wanem hap yumi kam long en. Tasol yumi ino inap long tok olsem i nogat samting i narakain.

Yumi gat ol kain pasin tumbuna na

Bekim ol askim bilong Confused, Unhappy and Divided

ol dispela em ol bikpela samting long yumi wan wan.

Ol yangpela pipel i save gat bikpela laik long wokim pren pasin wantaim ol arapela i stap klostu long ol maski ol i kam long narapela hap na ol i gat ol kain tok ples, kastam na skin kala. Ol no bisi long narakain pasin kastam, ples ol i kam long en tasol ol i gat bikpela laik long wanpela narapela na ol i laik stap wantaim na ol i laik marit tasol. Ating bikos ol i no bilong wanpela hap na dispela i strongim laik bilong ol na tu laik long lainim na lukim ol nupela samting na ples.

Tasol planti taim dispela i save senis bihain long marit. Taim yu stap wantaim wanpela long olgeta de, wik na yia na ol i wokim samting we i narakain long rot we yu save wokim samting long en, dispela i ken mekim yu i no amamas. Moa yet taim yu ting

olsem rot we yu wokim samting i gutpela na narapela tu i strong olsem rot we ol i wokim samting i gutpela. Kros bai kamap long dispela na marit i save bruk.

Tasol samting i no save kamap olsem olgeta taim. Planti taim marit namel long ol pipel i kam long narapela hap i save kamap gut. Ol pikinini bilong ol tu i save strongim marit na ol tu i save amamas long stap gut na lainim ol pasin bilong wanpela narapela. Tasol ol i mas redi long wok hat na mekim marit bilong ol i kamap gut. Long planti bilong yumi em i isi long mekim marit i kamap gutpela bikos yumi marit long wantok stret bilong yumi i gat wankain pasin kastam, kalsa na lotu.

Bai i gat moa toktok long dispela long neks wik.

Laiplain

BUSINESS OPPORTUNITY IN NEWSPAPER SALES IN NCD

If you own a ute, and live in the National Capital District, then this message is for you.

Word Publishing, a Church-run newspaper organisation, the publishers of

Wantok,
The Independent

and the monthly **PNG BUSINESS** is looking for a Street Sales Agent in NCD.

An attractive commission is offered for a suitable person.

Contact

Leo Wafiwa on

Ph: 325 2500

to get further details.



PNG Teachers Savings and Loan Society Limited
A member of the Federation of Savings and Loans Societies Ltd.

NOTIS

Long makim ol Bod na Menesmen bilong Sosaiti, mi laik toksave long olgeta memba bilong Tisa Medical Insurance Scheme olsem bikos long bikpela kos bilong ronim menesmen na edministresen bilong dispela opis, potnat pe mani yu save putim long dispela skim bar go antap long K6.00. Bipo em K4.00.

Tisa Medical Insurance scheme bar go het yet long givim yu gutpela medikel insurens na wok strong yet long mekim dispela medikel skim i kamap gutpela moa long sevim gut ol membas bilong en.

Long sampela taim i kam nau, Society i bin toktok gut pinis long kisim gutpela servis na helpim animit long Tisa Medical Scheme. Olsem na ol dispela gutpela helpim na ol gutpela samting ave i kamap bar i go long ol membas.

Long kisim moa save long dispela, toktok wantaim ol dispela opis.

The Loans Manager

PNG Teachers Savings & Loan Society Ltd, PO Box 6037, Boroko, NCD
Phone: 235 7599, Fax: 325 7679

The Regional Manager

PNG Teachers Savings & Loans Society Ltd, PO Box 1333, Rabaul, ENBP.
Phone: 982 8256, Fax: 982 8255

The Regional Manger

PNG Teachers Savings & Loan Society Ltd, PO Box 787, Mt Hagen, WHP.
Phone: 542 2733, Fax: 542 1367

The Regional Manager

PNG Teachers Savings & Loan Society Ltd, PO Box 1186, Lae, MP.
Phone: 472 4368, Fax: 472 5819

ANDREW IMAROTO
GENERAL MANAGER



RENAULT
TRUCKS

STAP NAU LONG ELA MOTORS

Kerax

400HP HEVI DUTI
**PRIME
MOVER**

LONG KISIM MOA SAVE LONG DISPELA PLIS RINGIM ELA MOTORS
KLOSTU LONG HAP BILONG YU:

PORT MORESBY: CHRIS BATTEN PH 3229467 FAX 3217268
LAE: IVAN GAWI PH 4722173 FAX 4722463
MT HAGEN: EDMUND TOPERCZER PH 5421888 FAX 5421937

**Ela Motors
TRUCKS**

E-MAIL: elatrucks@elamotors.com.pg

EM6848





WANTOK SPOT



Helpim ol disebel spotman

Soka i kisim moa helpim long FIFA



• Long poto em wanpela wilsia man i sut long banara. Dispela em wanpela bilong ol spot we i kamap long namba 14 Nesenel Disebel Spot long Goroka na pinis las wiken. Foto: OPIS BILONG PNG SPOTS FEDERESEN.

BIKPELA singaut nau i go long ol bikpela kampani na ol man long mas traim helpim ol disebel spotman meri long pilai spot.

Dispela em singaut wanpela olupela PNG rana na mausman bilong ol etlit long PNG Spots Federesen Iamo Launa i mekim taim long pasim bilong PNG Disebel Spots sempionsip long Goroka las wik.

Etpela (8) senta olsem Goroka, Alotau, Pot Mosbi, Lae, Wewak, Rabaul na Mt Hagen i bin stap long dispela sempionsip.

Misis Launa tu i mekim bikpela tok amamas i go long sponsa olsem Trukai, Coca Cola, PNG Motos, ASP 2000 na Gavana bilong Isten Haiiens Peti Lafanama long sapotim dispela namba 14 Nesenel Disebel Spot.

Na tu em i tok amamas i go long ol voluntia long givim taim bilong ol long helpim ol trangu disebel spotman na meri long pilai spot.

"Em i namba wan taim bilong mi long lukim disabel spot, na dispela i brukim tru lewa bilong mi," Misis Launa i tok.

HENRY MORABANG i raitim

PAPUA Niugini Futbal Asosiesen (PNGFA) bai moa helpim long developim soka insait long kantri i kam aninit long gol projek neks yia.

Gol projek em wanpela helpim FIFA o wol soka bodi i givim i go long wanwan memba kantri insait long wol. Mak bilong gol projek i sanap long US\$4 milien olgeta o long mani bilong PNG em K13 milien.

Sekretari bilong PNGFA Ivan Ngahan i autim dispela toktok bihain long em i kambek long miting bilong FIFA long Zurich, Switserland las wik.

Mista Ngahan i tok em i amamas tru long dispela aidia. Insait long miting ya, 38 kantri olgeta i kisim helpim long dispela gol projek.

Aninit long gol projek, dispela helpim mani em long sanapim soka stadion na soka akedmi (trening koles bilong soka).

Mista Ngahan na namba tu vais presiden Seth Daniel i makim PNGFA long dispela kibung bilong FIFA.

Dispela yia 2000, Cook Ailan long Osenia rijen em wanpela bilong ol memba husat bai kisim dispela helpim.

Sekretari i tok em i amamas tru taim ol opisal long FIFA i tokim em olsem nem bilong PNG i stenbai long kisim gol projek long neks yia.

Em i bilip olsem PNGFA bai yusim yet mani long kamapim o stretim Sir Ignatius Kilage stadion long kamap olsem namba wan soka fil insait long kantri. Na hap mani, em PNGFA bai sanapim koles long trening soka.

Mista Ngahan i tok ol bai yusim hap mani long stretim opis bilong PNGFA na tu karim aut wok developmen bilong soka insait long kantri.

Arapela toktok we i kamap long FIFA miting, em helpim ol wanwan sempion klab bai kisim sapos ol i go stap insait

long Wol klab sempionsip. Dispela sempionsip bai kamap long mun Ogas long kantri Spain.

Sekretari i tok dispela kompetisen i gutpela tru. Long yu go stap insait long sempionsip klab yet bai kisim US\$2.5milien na mama asosiesen olsem PNGFA bai kisim US\$1 milien.

Wanem klab long Papua Niugini i laik makim kantri i mas winim PNGFA nesenel klab sempionsip we bai kamap long Pot Mosbi. Klab ya bai makim PNG long Osenia na sapos em i win o kamap namba tu, bai makim Osenia long Wol nesenel klab sempionsip long Spain.

FIFA nau i salim toksave i go pinis long ol memba kantri long painim sempion tim bipo long Januari 2001. Em i min olsem long Septemba, PNGFA bai holim sempionsip orait long Novemba o Disemba, tim ya mas go long Osenia sempionsip.

PNG winim 5 gol medal long Osenia Grand Prix

ATLETIK tim bilong Papua Niugini i kamapim sampela gutpela resis long namba wan gem bilong Osenia Grand Prix long Brisbane long Tunde.

Tim ya i winim 5-pela gol medal, 10 silva na 5-pela bronz medal long ol resis bilong Grand Prix.

Pulu i winim 100m na 200m, wantaim gutpela taim stret.

Long 100m, Pulu i rekotim 10.58 secs na long 200m em i ranim resis long

21.56 secs.

Wantaim tupela moa resis i stap yet long Sydney na Adelaide, Pulu i redi tasol long kamapim gutpela resis we i ken winim ol gem.

Henry Ben i kamapim gutpela resis long 100m wantaim 10.78 sec long semi fainels na i pinis namba tu long Pulu long fainels.

Resis bilong 4x400 i wok long kamap gut we ol PNG pilaia yet i winim namba wan,

namba tu na namba tri ples olgeta. Maski ol pilaia bilong ol arapela kantri olsem Guam, Fiji, Palau na Kwinslen yet, ol PNG i tu gut long win.

Jeffrey Bai husat i kamap namba wantaim 48.00, na Ivan Wakit 48.45 na Mowen Boino 48.65

Ann Mooney i kamap namba wan meri insait long Saut Pasifik long winim kwin bilong 400 mita, Mary Estelle Kapalu bilong

Vanuatu. Kapalu tambu bilong ol PNG tasol nau em i go bek na sindaun long asples bilong em.

Mooney i setim gen 400 mita rekot wantaim 55.18secs we em i tu seken fasta moa long olupela taim bilong em taim em i ran long Brisbane.

Sandy Katusela i gol medal long hai jam. Em i kalapim 1.90m na Daniel Sandol i kalapim 1.85 long kamap namba tu ples.

Em i Gutpela Em i Tuna Em i bilong PNG stret...

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



OFFICE OF RURAL DEVELOPMENT

P.O. Box 1100
WAIGANI N.C.D.

Phone: 328 5380 Fax: 328 5361

Year 2000


district development

program grants

Year 2000 district development



program grants



The Government of Papua New Guinea is committed to improving the way we live in rural areas by developing and funding projects which are aimed at providing a better standard of living.

Each Open Member of our National Parliament will be identifying, in conjunction with provincial and district administration and their community, eligible development projects that are needed most throughout their area.

K89 million has been allocated evenly to the 89 electoral districts under the Year 2000 District Development Program. The Office of Rural Development will administer the implementation of these Government funded projects that will benefit our local communities in every District, of Papua New Guinea.


The types of eligible projects to be funded to improve our Rural Transport are:

- ✓ Feeder roads
- ✓ Bridges
- ✓ Airstrips
- ✓ Wharves



To improve our Rural Health:

- ✓ Aid posts and clinics
- ✓ Rural water supply
- ✓ Health worker housing




To improve Rural Education for our children:

- ✓ Elementary and Primary classrooms
- ✓ Educational staff housing

and to improve our District Administration:

- ✓ CIS buildings
- ✓ Rural electrification

- ✓ Police buildings
- ✓ Administration buildings




These projects will become state assets that will have a long life and long term benefit to the community as a whole.

Each project will be assessed by the Office of Rural Development to ensure they are of real benefit, to the community and can be sustained over time.

All Open Members of our National Parliament are committed to ensuring that these Year 2000 District Development Program Grants are used wisely and are of true benefit to our local communities.

Yia 2000 districk divelopmen program grant



Gavman bilong Papua Niugini i kirapim wok bilong kamapim rot bilong gutpela sindaun long wanwan districk na divelopim na helpim long kirapim ol project inap long kamapim gutpela sindaun.

Wanwan Open Memba bilong Nesinol Palimen bilong yumi bai wok bung wantaim districk administreta long mekim wok painim-aut long wanem kain divelopmen project ol i laikim long eria bilong ol.

Gavman i brukim K89 million igo long 89-pela ilektorol distrik aninit long Yia 2000 Distrik Divelopmen Program. Opis bilong Rural Divelopmen bai lukautim ol projects Gavman i helpim long kirapim bilong helpim lokol komyuniti bilong yumi insait long olgeta wanwan Distrik bilong Papua Niugini.


Dispela em ol kain project Gavman bai helpim long kirapim long kamapim gutpela Rural Transport:

- ✓ Han rot
- ✓ Bris
- ✓ Liklik ples balus
- ✓ Wof



Dispela em ol kain project Gavman bai helpim long kirapim long kamapim gutpela Rural Helt sevis:

- ✓ Aid post na klinik
- ✓ Rural wara supply
- ✓ Haus bilong Helt wok manmeri




Dispela em ol kain project Gavman bai helpim long kirapim long kamapim gutpela Skul bilong helpim ol pikinini bilong yumi:

- ✓ Elementary na Primary klasrum
- ✓ Haus bilong tisa

Na dispela em ol kain project Gavman bai helpim long kirapim gutpela Distrik Opis (Administration) bilong yumi:

- ✓ CIS building
- ✓ Rural pawa supply
- ✓ Polis building
- ✓ Administresin building



Dispela ol project bai i kamap samting bilong Gavman na em bai istap longpela taim na givim helpim long olgeta pipol long komyuniti.

Opis bilong Rural Divelopmen bai skelim wanwan project na luksave gut bai em givim gutpela helpim igo long komyuniti na em bai istap longpela taim o nogat.

Wanwan Open Memba bilong yumi long Nesinol Palimen bai lukluk gut long dispela Yia 2000 Distrik Divelopmen Program Grant igo long wanem project, hamas moni igo long dispela project na dispela project bai givim gutpela helpim tru igo long wanwan lokol komyuniti bilong yumi.

Lagani 2000

district hatubua program

heduru grant monidia



Papua New Guinea Gavamani ena lalao badana gunika dekenai noho taudia edia mauri hanamoa totona, hatubua gaukaradia, Grant moni dekenai durua do idia henia diba.

Nesenol Parliament amo Open Membas ta ta be do provincial bona local level gavamani ida do idia gaukara hebuu umu noho gunika gabu dekenai emu ura bada hatubua gaukara badadia do idia naerodia bona abidia hid.


Lagani 2000 ena District Hatubua Program laionai 89 million kina be idia halasia Papua New Guinea ena 89 electoral districts iboudia totona Rural Development Ofis ese inai gavamani ena hatubua gaukara heduru monidia do ia naria bona ia gaukaralaia Papua New Guinea ena district lalonai taunimanima ibounai heduru do idia davana noho mauri hanamoa totona

Gunika gabu ta ta lalodia, Rural Transport hatubua bona hanamoa gaukaradia moni dekenai durua do idia davana be hegeregere

- ✓ Motuka ena heau dala maragidia
- ✓ Sinavai amo hanai nese
- ✓ Peleini maragidia edia diho gabudia
- ✓ Sisima edia kamokau wafo

Health ena gaukara hatubua totona durua abia

- ✓ Aid Post bona kiliniki maragidia
- ✓ Ranu abia vareai gunika gabu SLD dekenai
- ✓ Health gaukara taudia edia noho ruma haginidia totona



Natuda maragidia edia aonega abia dala hanamoa heduru be


- ✓ Elementary bona Primary sikuli rumadia
- ✓ Education lalonai gaukara taudia edia noho ruma danu haginia totona



Bona District Administration hanamoa be hegeregere inai gabu ta ta ena kahatai

- ✓ CIS edia ruma hanamodia

- ✓ Paua abia vareai gunika gabu ta ta lalodiai
- ✓ Polis edia ruma hanamodia
- ✓ Gavamani ena Administration ruma haginidia



Inai hatubua gaukaradia iboudiai be gavamani ena kohu badadia, komiuniti lalonai taunimanima iboudiai edia mauri do ia hatubua bona ia hanamoa lagani momo vairadiai.

Hatubua gaukara ta ta be Rural Development ena Ofis ese do ia itadia tao, bona do ia naridia bona regudia vaira lagani lalodiai.

Iseda Nesenol Parliament amo Open Membas edia gwauhamata badana be inai lagani 2000 ena District Development Program heduru monidia do idia gaukaralaia maoro maoro bona momokani ai local kamiuniti lalodiai taunimanima ibounai edia noho mauri hanamoa totona

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.